

雜病源流犀燭

沈氏尊生書卷十五

雜病源流犀燭

六淫門

暑病源流

伏暑 疰夏 暑風 暑瀉

沈金鰲撰

經曰。諸病喘嘔。暴注下迫。霍亂轉筋。身熱。瞤瞤。小便濁赤。皆屬於熱。經言熱不言暑者。固以熱卽是暑。而此數病皆傷暑之見症。故前人言中暑。亦混言中熱也。然而暑與熱。畢竟有辨。試觀仲景特申夏月熱病之旨。謂本伏寒所發。而金匱復出中暍之條。正恐人誤認爲熱病之自內而發。不知中暍之自外來而入也。其皆治以白虎湯者。以中暑之發。熱大渴。齒燥汗出而喘。與熱病無異。故皆以甘寒去熱。苦寒降火。甘溫益中。必加人參。因津液耗也。其不宜辛溫表散者。以夏月則人身內陰外陽。暑之中人。必傷氣分。昔人所謂風寒。必顯有餘。有餘爲邪。暑氣必顯不足。不足爲正。是也。所

以香茹辛散止宜乘涼飲冷遏抑陽氣或致霍亂者可用非強力  
作勞內傷重而受暑者之所宜也。宜以白虎湯為主清暑益氣湯  
爲輔甘露飲天水散皆可酌用  
蓋以凡暑病多生于元虛氣弱之人氣本虛暑復傷氣無氣以動  
故治暑急補氣惟肺虛有火者乃忌參朮也試先卽仲景書推闡  
之仲景曰太陽中暍發熱惡寒身熱而疼痛其脉弦細孔遲小便  
已洒洒然毛聳手足逆冷小有勞身卽熱口開前板齒燥若發其  
汗則惡寒甚加溫針則發熱甚數下之則淋甚蓋以此屬陰陽俱  
虛陽虛故脉弦細陰虛故脉孔遲若汗之不益傷陽溫針不益傷  
陰乎甘寒之劑所宜用也仲景又曰太陽中熱者暍是也汗出惡  
寒身熱而渴白虎加人參湯主之蓋以此爲火令燥金肺傷而氣  
虛以致膀胱不足而表亦虛蓋膀胱太陽經主表也宜以救肺爲  
急故用本湯也仲景又曰太陽中暍身熱疼痛而脉微弱此以夏

日傷冷水水行皮中所主也。一物瓜蒂湯主之。蓋以此因夏月暑熱以水盥洗水邪鬱遏令火而成中暈也。瓜蒂能使胸中邪氣皆吐下之。喻嘉言云。金匱治暈一以白虎治熱以夏熱必犯上傷肺耗津液用以救肺。孫思邈之生脉散。李東垣之清暑益氣湯皆祖之矣。一以瓜蒂治溼以溼淫上甚亦先傷肺故外漬之水得以乘毛孔而聚皮間皮者肺之合也。用瓜蒂或吐或下則肺氣不壅皮間之水得以下趨何後如河間通苓散于和桂苓甘露飲但宗仲景五苓之例以爲導溼消暑竟不能祖瓜蒂之制以治上焦溼熱清肺金而別制一方也。喻氏發明二方之妙如此然亦止就中暈之方治言之于暑病則未盡也。且中暈與暑病固有異欲以中暈盡概暑病不可也。蓋傷暑之脉必虛中暈之脉則微弱故有異也。故夫暑病大端先分兩項。一曰傷暑。一曰中暑。傷暑者靜而得者

也陰症也。或納涼廣廈起居不節。汗出煩躁面垢。背微惡寒。手足

微厥。甚則洒然毛聳。腠理開則洒洒然寒。閉則蒸蒸熱悶。此心包

之火不勝時火。故反微惡寒也。倘坐卧陰涼。表虛不任風寒。若誤

以外感作治。必害。宜清暑益氣湯或涼亭水閣密樹濃陰。過受涼快。為寒

所襲。頭疼惡寒發熱。肢體拘急。是感寒之類。脉必弦緊。宜消暑或十全散

脾氣虛弱。汗多惡寒。宜十味香茹飲或過傷飲食生冷泄瀉嘔吐霍亂者

宜六和湯藿香正氣散此概治傷暑之法也。而其所以及之症。有吐利腹痛氣

逆發熱頭疼煩渴肢冷疼。前板齒寒無汗。脉虛或遲或伏昏悶者

宜香茹飲有身熱小便利者。宜益元散有吐瀉寒熱喘咳痞滿體腫倦卧

便赤者。宜六和湯有發熱嘔血者。宜黃連二錢酒煎服有暑天身熱頭疼燥渴者

宜麥冬湯有暑天發渴者。宜生津丸以上皆傷暑之屬。所當分別而治之者

也。中暑者動而得者也。陽症也。或遠行勞役大熱而渴。陽氣內伏

熱合于腎爲水不勝火發熱煩渴氣息喘促日晡病減此脾胃大

虛也

宜補中益氣湯去升麻加五味子麥冬黃連黃柏澤瀉

或農夫田野及慣于役力之人

過受燔灼頭角額痛發熱大渴引飲脉洪大

宜地漿水煎蒼朮白虎湯或年老

及虛汗之人不宜用寒涼宜稍加溫藥行之

宜竹葉石膏湯少加熟附子

或平

昔陰虛多火不可用溫藥

宜白虎加人參竹葉湯

凡以中暑皆太陽經分之

症甚或卒倒不省人事切忌香茹等溫散之品蓋既中熱復以辛

溫傷其氣如火益熱矣故香茹飲只可治傷暑不可治中暑此概

言中暑之法也而其所及之症有夏月勞苦卒然昏暈甚而若死

者少與冷水卽死亦禁卧冷地溼地急移其人于陰處再以熱土

放臍上撥開作竅令人尿其中以生姜或蒜搗汁和童便或熱湯

送下外用布蘸立甦後徐用藥

宜麥冬湯人參白虎湯

此急救法也又有煩

渴口燥悶亂者先以布蘸熱水熨臍中氣海或掬土放臍令人更

弱之候。甦以米湯徐灌之。然後隨症調治。宜六和湯清暑益凡中

暑者必傷氣。宜清暑益氣湯以上皆中暑之症。所當分別而治者。

也。夫傷暑中暑皆暑病之重且大者。故傷暑則暑熱之邪傷在肉。

分中暑則暑熱之邪傷及臟腑。而又有尋常感受暑氣致腹痛水。

瀉者。乃胃與大腸感邪之故。或惡心嘔吐者。乃胃口有痰飲。而又。

感邪之故。此皆名胃暑。是暑病之輕且小者。宜黃連香薷散清暑

治亦當分別而治。然而暑病亦有無汗脉弦細者。此雖是暑。亦必。

由過襲陰涼。身中陽氣為其所遏。故心煩肌膚火熱無汗。非暑邪。

也。不可全用表藥。宜消暑暑月腠理易開。香薷熱服。便能汗出。故。

不必用表也。倘人迎脉緊而氣口反大。欬嗽目疼。鼻流清涕。額與。

眉稜骨痛。此又被風矣。宜選至有內傷夾暑者。暑月房勞兼膏粱。

水菓雜進。至周身陽氣不伸。脉沉細。或弦緊。面垢無汗惡寒。四肢。

厥逆拘急霍亂嘔吐

宜冷香飲子

或吐利兼作脉微欲絕或虛浮而散

此為緊病急當救之母緩

宜漿水散

或胃暑伏熱引飲過多及恣啖生

冷致脾胃受寒必腹痛嘔泄水穀不分脉沉而緊

宜大順散

又有夾水

傷暑者汗出當風浴起當風或冷水浸澡或坐卧于地以至水淫

畜于身中適又感受暑邪生病非全由暑傷也

宜香茹飲

必溫散之又

有暑瘵者暑月火能燦金不禁辛酒脾火暴盛勞熱躁煩火動心

脾以致喘欬忽吐衄頭目不清胸膈煩渴不寧即老穉亦有此病

昧者以為勞瘵不知此由火載血上非真陰虧損而為虛勞也

宜歸身生地防風黃連知母山梔荆芥黃芩桔梗木通元參甘草貝母

白茯苓陳皮薄荷麥冬五味等酌為一帖煎服黃連香茹飲亦可

又有暑痿者暑天膏粱之人陽事頓痿此不可全用熱藥亦不可

全用涼藥

宜黃連解毒湯合生脉散

又有攪腸痧者暑月不頭疼發熱但覺小

腹痛或心腹俱痛脹痞不能屈伸皆水火流注臟腑故先小腹後



或心腹俱痛。非陰症也。宜六和湯霍香正氣散大抵此症以探吐痰涎為主。

宜二陳湯加厚朴山又有霍亂者暑氣入腹惡心腹痛。上吐下瀉。

瀉水如注。此暑火暴發升降不利。清濁不分。所瀉者皆五臟津液。

宜速止之。宜胃苓湯甚者桂苓甘露飲此症有挾食積者。切不可下。總當立止。

為上。再商食積若吐瀉無物。或上下關閉。竟不吐瀉。但心腹絞痛。

令人立斃。此為乾霍亂。亦即絞腸痧。宜急以鹽湯探吐或探吐得通可救。

即定後。周時勿進米氣。得食又發。戒之。又有暑瘍者。夏月頭面外。

項赤腫。或咽喉腫痛。或腿足爛腫。長至數寸。不能步履。而頭痛內。

燥。日夜發熱不止。與凡瘡毒發熱。晡甚且止者不同。宜敗毒散及石膏黃連等

蓋熱一解。腫自消。全無膿血。非外科症也。又有暑瘡者。周身發泡。

如碗如杯。如桃如李。光亮脆薄。中有臭水。由溼熱之水。泛于皮膚。

也。宜黃連香茹飲黃連解毒湯甚者內寔便閉口疳臭穢。外以鮮荷花瓣貼之。

中藥周時可平

宜涼膈散或承氣湯

以上種種皆暑病之兼及者也。要之暑

病所由之經固屬太陽。亦有由陽明者。發熱汗大出微惡寒。為太

陽矣。面赤大汗煩渴喘急。即陽明也。甚者脉洪大。昏不知人。有似

熱症。但忽輕忽重為異耳。

太陽宜五苓散去桂加香茹陽明宜消暑丸

故平人偶然被

暑。必身熱背惡寒。汗出口渴煩躁悶亂。痰逆惡心。或吐瀉轉筋。小

便閉滯。指頭微寒。

宜五苓散去桂合益元散用

若脾胃素弱。上焦不足。暑溼鬱

蒸。肢體困倦。頭重心煩。飽悶喘促。早晚寒。日午熱。此氣血俱虛也。

宜清燥湯清暑益氣湯

或夏月汗太多。風犯汗孔。身體重痛。肢節麻。或渴或

不渴。或小便黃澁。此風鬱汗溼與暑相搏也。

宜益元散加葱頭

故人當溼

熱盛時。如梅天夏雨。體倦神疲。胸滿促。肢冷。或氣高喘。身煩熱。溺

黃赤。大便澁。自汗不食。須預防暑病。

宜清暑益氣湯加參淫藥

虛弱人當暑。體

倦神疲。胃不和。食無味。須預防暑病。安樂人當暑。惡寒身重。昏眩

寒熱嘔吐腹痛。乃夏月感寒非暑病也。宜溫辛苦人勞甚暑病。須培其氣。宜虎湯總當分別而治之者也。而治法大要。惟以清心利小便解暑毒。補真氣為主。即脉虛喘促逆冷卒昏暈。此熱傷陰氣。切不可用溫藥以助陽而耗陰。

脉法 仲景曰。傷暑脉虛。又曰。脉虛身熱。得之傷暑。脉訣曰。

暑傷于氣。所以脉虛。弦細芤遲。體狀無餘。三因曰。中暑之脉。

陽弱陰虛。微遲似芤。本事曰。暑脉弦細芤遲。何也。蓋寒傷形。

熱傷氣。氣傷則氣消而脉虛弱。所以弦細芤遲。皆虛脉也。正

傳曰。暑脉虛而微弱。或浮大而散。或隱而不見。夫微弱隱伏。皆

虛類也。活人書曰。中暑與熱病相似。但熱病脉盛。中暑脉虛。

以此辨之。張鳳達曰。脉理劉復真云。暑脉虛而微弱。按之無

力。又脉來隱伏。弦細芤遲。皆暑脉也。脉虛身熱。得之傷暑。中暈

脉虛而微者是也。寒病傳經故脉日變溫熱不傳經故不變寒。病浮洪有力易治。乳細無力難治。無脉不治。溫熱不然。溫有一二部無脉者暑熱有三四部無脉者被火所逼而伏。非絕無也。于病無妨。攻之亦易。照經用辛寒。火散脉起病愈矣。蓋溫熱病發在一二經始終在此。更不傳遞別經者。其一二經或洪數則別經弱且伏。依經絡調之。伏者起。洪者平。乃愈徵也。驚按此篇指暑病而言非謂伏寒夏發之熱病也

暑病原由症治。節齋曰。夏至日後病熱爲暑。暑者相火行令也。夏月人感之自口齒而入傷心。包絡經其爲症煩則喘渴。靜則多言。身熱而煩心。大渴引飲。頭痛自汗。倦怠少氣。或下血發黃。甚者火熱制金。不能平木。搐搦不省人事。東垣曰。夏至陽盡陰生。氣浮肌表。散于皮毛。腹中之陽虛矣。世言夏月伏陰在

內。此陰字有虛之義。若作陰冷。悞甚。火盛之時。流金燍石。何陰冷之有。孫真人製生脉散。令人夏月服之。非爲虛而何。直指曰。傷暑之症。面垢自汗。身熱背寒。煩悶大渴。倦怠少氣。毛聳惡寒。或頭疼。或霍亂。或四肢厥冷。或身體無痛。中暑之症。則六脉沉伏。冷汗自出。悶絕而昏。不知人矣。

伏暑症。暑久伏病也。蓋人受暑邪。當時卽發。謂之暑病。若熱毒之氣。旣已受之。或爲些小風寒所困。此毒遂漸漸入內。伏于三焦腸胃之間。或秋或冬。久久而發。此暑毒伏于人身之內者也。宜消暑飲亦有夏月曝書曝衣。暑氣未散。隨卽收藏。至秋冬近之。其氣亦從口齒而入。入而卽發。此暑毒伏于物而觸于人者也。故伏之一字雖同。其所以伏則異。然此二端其變生之病。或霍亂吐瀉。或洩痢腹痛。或瘧發寒熱。皆能致之。皆當細詢其因。以爲治。宜香茹飲

散甚或有身熱足冷者其勢則甚危矣

宜五苓散下來復丹

伏暑症治 仲景曰伏暑之症背寒面垢少有勞身即熱口開

前板齒燥小便已洒洒然毛聳 入門曰每于夏月後發者為

伏暑也又曰伏暑者即冒暑久而藏伏者也其嘔渴惡心下血

及年深暑毒不差者宜酒蒸黃連丸其煩渴引飲或泄利者宜

桂苓甘露散其腸澼下痢赤白瘕閉者宜益元散其暑邪伏久

傷肺喘咳煩渴氣促者宜清肺生脉飲其大煩大渴及霍亂後

渴者宜濯熱散

暑風因暑而感生風病也病人忽手足搐昏迷不省脉浮而虛急

先以溫水化蘇合丸灌之俟醒再用藥

宜黃連香茹飲加羌活二錢大效

若嘔吐

宜加陳皮藿香小便不利

宜加伏苓猪苓澤瀉滑石

有痰

宜加大姜

大渴

止

宜加白朮轉筋

宜加木瓜

腹滿身重難以轉側口不仁面垢語遺尿此

熱兼渴也。

宜白虎湯。

各當加減爲治。或更病勢重。搐搦。厲聲吟呻。角弓

反張。如中惡之狀。亦或先病熱。服表散藥後。漸成風病。詬語狂呼。

亂走。氣力百倍。此亦暑風與陰風不同。宜解散化痰。不可汗下。宜

葉石膏湯去參。

日久脾胃弱。必兼溫補。若脉寔。必須吐之。若欲預

米加黃連知母。

湯宜四君子。

凡患暑風。誤作癰治。必不救。

暑風症治。

得效曰。中暑復傷風。搐搦不省人事。曰暑風。

人

門曰。暑風暑厥者。但以手足搐搦爲風。手足逆冷爲厥。並宜二

香散。或人參羌活散。合香茹飲服之。

醫鑑曰。夏月感寒者。乃

取涼之過也。或納涼致風寒。以傷其外。或食生冷。以傷其內。故

也。若感暑風。痰塞喘急。六和湯倍半夏加羌活川芎。又曰。感冒

暑風。身熱頭痛。或泄瀉嘔吐。以二香散主之。又曰。凡暑月傷風

傷寒。悉以二香散解表發散。

暑瀉專受暑而成瀉利病也。其原有新有人新者。暑毒入于口齒。傷于腸胃。數日間。其邪即發。或挾食。或挾溼。以致煩渴尿赤。自汗面垢腹痛。所瀉如水直注。日夜無度。宜以炒黃連為君。葛根升久者。暑邪留于三焦腸胃之間。以致久而成泄。所瀉亦是水。但不如新者之暴迫直注。其兼症亦相同。宜玉龍丸此新久之別也。而其症之所現。雖同屬暑瀉。其為治。又有當分辨者。如暑傷心脾。嘔吐泄瀉。或霍亂轉筋。及浮腫瘡痢。宜六和湯如暑熱引飲過多。致水暑交併。而上吐下瀉。宜解暑三白散如傷暑上吐下瀉。而兼煩亂。宜香朴飲如暑月煩渴。引飲過多。脾胃停積冷溼。致成吐瀉。宜大順散以上數條。皆難混治。若不過受暑而瀉。別無他故。則惟清暑足已。宜消暑十全飲其或有盛暑傷于外。陰冷傷于內。而為內外受迫者。此症更重。非可易視矣。宜連理湯桂枝。此暑瀉諸症。當與泄瀉條參看。



暑瀉症治 醫鑑曰、腹痛水瀉者、胃與大腹受暑、惡心嘔吐者、胃、口、有痰、飲、而、又、受、暑、也、宜消暑十全飲。

疰夏脾、胃、薄、弱、病、也、然、雖、由、脾、胃、薄、弱、亦、必、因、胃、有、溼、熱、及、留、飲、所、致、昔、人、謂、痿、發、于、夏、即、名、疰、夏、以、疰、夏、之、症、必、倦、怠、四、肢、不、舉、羸、瘦、不、能、食、有、類、于、諸、痿、故、也、然、疰、夏、與、痿、其、原、畢、竟、有、異、且、痿、為、偶、患、之、疾、此、為、常、有、之、事、凡、幼、弱、人、多、有、之、故、必、以、清、暑、益、氣、健、脾、扶、胃、為、主、也、故、前、既、列、夏、痿、之、症、于、暑、病、篇、而、此、又、詳、及、疰、夏、宜參歸益元湯生脉散為主酌加白朮半夏陳皮茯苓扁豆白芍木瓜澤瀉炙甘草亦可

疰夏症治 仲景曰、平人脉大為勞極、虛亦為勞、夫勞之為病、其脉浮、又、手、足、煩、熱、寒、精、自、出、脚、痠、削、不、能、行、小、腹、虛、滿、春、夏、劇、秋、冬、瘥、謂、之、疰、夏、病 東垣曰、仲景言脉大者、極虛者、氣損也、春、夏、劇、者、時、助、邪、也、秋、冬、瘥、者、時、勝、邪、也、黃、芪、建、中、湯、治、之、

可也 丹溪曰人遇春末夏初頭痛腳弱食少身熱世俗謂之  
疰夏病屬陰虛元氣不足宜補中益氣湯去升柴加黃柏白芍  
麥冬五味子有痰加南星半夏又曰疰夏病宜服生脉散參歸  
益元湯 東垣曰暑夏宜補氣益以夏至陽盡陰生腹中之陽  
虛也今人夏月服生脉散為此故耳

治暑病方四十

白虎湯

總治

膏濃

知母

甘草

粳米

桂苓甘露飲

又 茯苓 猪苓

炙甘草 澤瀉

各一兩

肉桂三錢

寒

水石

一方有人參香茹 共為末水下

此方兼治伏暑煩渴引飲

天水散

又 滑石六兩

甘草一兩

此即六一散之

別名也

中賜 瓜蒂十四個水一升煮五合頓服

瓜蒂散

解暑三白湯

消暑 茯苓

澤瀉

白朮各二錢

姜三片

甘草二十莖

暑 疰夏

消暑十全飲

寒襲 香茹一錢半 扁豆 厚朴 蘇葉  
白朮 赤苓 藿香 木瓜 白檀香各一錢

十味香茹飲

此方兼治傷暑吐瀉  
脾虛 香茹錢半 厚朴 扁豆 人參 白  
木 茯苓 黃芪 木瓜 甘草各七分

六和湯

食傷 香茹 厚朴各錢半 赤苓 藿香  
扁豆 木瓜各一錢 砂仁 半夏 人參  
杏仁 甘草各五分 姜三 棗二 一方加

藿香正氣散

生冷 白朮 白芷 茯苓 厚朴 桔梗  
紫蘇 藿香 炙草 陳皮 半夏 大腹皮  
姜 棗

香茹飲

傷暑 香茹 扁豆 厚朴 甘草

益元散

小便少 滑石 甘草

麥冬湯

燥渴 石膏 知母 白芍 茯苓 山梔  
竹茹 麥冬 白朮 扁豆 人參 陳皮  
烏梅 蓮肉 甘草

生津丸

發渴 白糖 烏梅 薄荷 柿霜 礪砂  
蜜丸 噙化

補中益氣湯

脾胃 柴胡

人參 陳皮

黃芪 甘草

當歸

白朮

升麻

蒼朮白虎湯

役勞

石膏

蒼朮

知母

甘草

粳米

竹葉石膏湯

虛汗 甘草

人參 粳米

竹葉 姜汁

麥冬

石羔

半夏

白虎加人參湯

虛火 竹葉

石膏

知母

粳米

甘草

人參

人參白虎湯

昏暈

人參

石膏

粳米

甘草

知母

選奇湯

被風 草八分

羌活 錢半

防風

黃芩 各一錢

甘草

甘草

冷香飲子

內傷 姜五片

生附子 冷服

草果

橘紅

甘草 各一錢

甘草

漿水散

又 附子

肉桂

乾姜

甘草 各五錢

良

姜 半

漿水 即淡醋 每八分多

至一錢 調下

如虛熱喘乏 加人參

汗多加

黃芪 五味子

滑石 二兩

茯苓

澤瀉 寒水石

桂苓甘露飲

霍亂 石膏

甘草 各一兩

白朮

猪苓

肉桂 各

五錢

每末一錢 姜湯或開水下 一方加人

參香茹

大順散

來暑 甘草

乾姜

杏仁

官桂

等分

先

將甘草用白砂炒次入姜再次入杏仁炒然後

暑病方

卷十五

十

篩去砂入桂共爲末每三錢開水下

五苓散

身熱 白朮 肉桂 澤瀉 茯苓 猪苓

來復丹

又 倭硫黃 元精石 硝石 青皮 陳橘皮 五靈脂 醋糊尤菜豆大每三十九空心米湯下

黃連香茹散

暑風 香茹二錢 厚朴錢半 黃連七分半 水煎入酒少許冷服

四君子湯

壯元 人參 茯苓 白朮 甘草

生脉散

又 人參 麥冬 五味子

黃連解毒湯

暑痿 黃連 黃柏 黃芩 山梔

二陳湯

絞腸痧 茯苓 半夏 陳皮 甘草

胃苓湯

霍亂 蒼朮 厚朴 陳皮 甘草 白朮 茯苓 猪苓 澤瀉 肉桂 桔梗 柴胡

敗毒散

暑瘍 茯苓 甘草 枳殼 連翹 前胡 薄荷 羌活 獨活 川芎 連翹 防風 荆芥 金銀花 姜三片 一名連翹 敗毒散

此方兼治一切癰疽初發憎寒壯熱者頭痛

涼膈散

暑瘡 大黃 薄荷 芒硝 山梔 連翹 黃芩  
甘草 薄荷 為末竹葉生蜜湯下

承氣湯

又 大黃 芒硝 厚朴 枳實

消暑丸

陽明 半夏一斤醋煮 茯苓 甘草各半斤  
姜汁糊丸每二錢水下

清燥湯

氣血虛 黃芪 黃連 神曲 五味子 柴  
胡 豬苓 甘草 白朮 蒼朮 麥冬 生

溫辛散

地 陳皮 茯苓 澤瀉 人參 當歸 升  
麻 黃柏 黃柏 木香 陳皮 羌活 蒼朮 紫蘇

硃砂安神丸

厚朴 姜 蔥 甘草 生地各三錢半 當  
歸錢半 硃砂五分 蜜丸黍米大津下三十

清肺生脉飲

暑傷肺 黃芩二錢 人參 麥冬 當歸  
生地各一錢 五味子十粒

清暑益氣湯

總治 蒼朮一錢半 黃芪 升麻各一錢  
人參 白朮 陳皮 神曲 澤瀉各五分

酒黃柏 當歸 青皮 麥冬 葛根 甘草  
各三分 五味子九粒 此方以蒼朮青陳澤

瀉五種理脾餘十味清暑補氣  
李東垣清暑益氣湯變症加減法附後

其法曰。如心火乘脾。乃血受火邪而不升發。陽氣伏于地中。地者脾也。必用當歸和血。少用黃柏以益真陰。如脾胃不足之症。須少用升麻。乃足陽明太陰引經藥也。使行陽道。自脾胃左達少陽行春令。生物之根也。更少加柴胡。使諸經右遷生發陰陽之氣。以滋春之和氣也。如脾虛緣心火亢盈而乘其土也。其次肺氣受邪。爲熱所傷。必多用黃芪。甘草次之。人參又次之。三者皆甘溫陽藥也。脾始虛。肺氣先絕。故用黃芪以益皮毛之氣。而填腠理。不令自汗而損元氣也。上喘氣短懶言。必

用人參以輔之。心火乘脾必用炙草以瀉火熱。而補脾胃中元氣。甘草最少。恐溼滿也。若脾胃之急痛。并脾胃太虛。腹中急縮。腹皮急縮者。卻宜多用。經曰急者緩之。若從權必用升麻以引之。恐左遷之堅邪盛。卒不肯退。反致項上及鬢尻肉漆而反行陰道。故引以行陽道。使清氣他出。右遷而上行。以和陰陽之氣也。若中滿。去甘草。咳甚去人參。口乾噎乾加乾葛。如脾胃既虛。不能升浮。爲陰火傷其生發之氣。榮血大虧。榮氣伏于地中。陰火煎熬血氣虧少。且心包與心主血之血減則心無所養。致心亂而煩。病名曰惋。惋者。心惑而



煩悶不安也。是由清不升。濁不降。清濁亂於胸中。使周身血氣逆行而亂。經曰。從下上者。引而去之。故當加辛溫甘溫之劑。以生陽。陽生而陰長。或曰。甘溫何能生血。又非血藥也。曰。仲景之法。血虛以人參補之。陽旺則能生陰血也。更加當歸和血。又宜稍加黃柏。以救腎水。蓋甘寒瀉寔火。火滅則心氣得平而安也。如煩亂猶不能止。少加黃連以去之。蓋將補腎水。使腎水旺而心火降。扶持地中陽氣也。如氣浮心亂。則以硃砂安神丸鎮之。得煩減。勿再服。以防瀉陽氣之反陷也。如心中痞。亦少加黃連。氣亂于胸。爲清濁相干。故以陳

皮理之能助陽氣之升而散滯氣。又助諸甘辛爲用。故長夏溼土客邪火旺。可從權加二朮澤瀉。上下分瀉其溼熱之氣。溼熱太盛。主食不消化。故食減。不知穀味。加炒麴以消之。更加人參麥冬五味瀉火。益肺氣。助秋損也。此乃伏中長夏正旺之時藥也。熬按東垣精當極周密。良爲本方變化之妙。但血氣虛弱者。固用無不效。若壯盛人。不但無功。恐反助溼火。則又不可不斟酌也。

### 治伏暑方十

消暑元

治伏暑 半夏八兩 赤苓 甘草各四兩  
用醋二升煮半夏醋乾共炒爲末姜汁糊丸每  
四五十丸開水下藥下卽甦

香茹飲

又 香茹 厚朴 扁豆子 甘草

霍香正氣散

又厚朴 藿香 白朮 白芷 茯苓 大腹皮 姜 棗 桔梗 紫蘇 陳皮 半夏 炙草

五苓散

又白朮 肉桂 茯苓 猪苓 澤瀉

來復丹

又五靈脂 元精石 硝石 青皮 陳皮 製法服法詳暑病

酒蒸黃連丸

又黃連四兩酒七合浸一夜蒸乾為末 糊丸每二三十丸熱水下以胃膈涼不渴為驗 一名小黃龍元

桂苓甘露丸

又滑石一兩 石膏 寒水石 澤瀉 葛根 白朮 赤苓 甘草各五錢 人參 桂皮 藿香各二錢半 木香一錢二分半 每末二錢白湯下

益元散

又滑石六兩 炙甘草一兩 一名六一散 又名天水散 又名神白散 本方加乾姜五錢 各溫六丸治因寒吐瀉反胃 本方加紅麴五錢 錢名清六丸治淫熱泄瀉俱以飯丸

清肺生脉飲

又黃芪二錢 當歸 生地 人參 麥冬 各一錢 五味子十粒

濯熱散

又白礬 五倍子 烏梅肉 甘草各一兩 共為末入白麵四兩拌勻每二錢新汲水調

下一名龍鬚散

治暑風方丸

黃連香茹飲

暑風 香茹三錢 厚朴錢半 黃連七分半  
入酒少許水煎冷服 一名黃連香茹散

白虎湯

又 石膏 知母 甘草 粳米

竹葉石膏湯

又 人參 竹葉 麥冬 石膏 半夏 甘  
草 粳米

四君子湯

又 人參 茯苓 白朮 甘草

生脉散

又 人參 麥冬 五味子

二香散

又 香茹 香附各二錢 蒼朮 蘇葉 陳  
皮各一錢 厚朴 扁豆 甘草各五分 姜  
三片 木瓜二片 葱白二莖

人參羌活散

又 羌活 獨活 柴胡 前胡 枳壳 桔  
梗 人參 赤苓 川芎 甘草各六分 天  
麻 地骨皮各三分 薄荷三葉

香茹飲

又 香茹 厚朴 扁豆子 甘草

六和湯

又 香茹 厚朴各錢半 赤苓 藿香 扁豆 木瓜各一錢 砂仁 杏仁 半夏 人參 甘草各五分 姜三 棗二 本方加麩炒黃連一錢名清暑六和湯

治暑瀉方十一

桂苓甘露飲

暑瀉 滑石二兩 茯苓 澤瀉 寒水石 石膏 甘草各一兩 白朮 猪苓 肉桂各五錢 每末二錢姜湯調下

玉龍丸

又 硫黃 硝石 滑石 明礬 水丸

六和湯

又 香茹 厚朴各錢半 赤苓 藿香 木瓜 扁豆各一錢 砂仁 杏仁 人參 半夏 甘草各五分 姜三 棗三

解暑三白散

又 澤瀉 茯苓 白朮各二錢 姜三片 燈心二十莖

香朴飲子

又 香茹 錢半 厚朴 扁豆 赤茯苓 澤瀉 陳皮 木瓜 半夏 人參 烏梅肉 蘇葉各七分 甘草五分 姜三 棗二

大順散

又 甘草切長一寸二兩 乾姜 杏仁 肉桂各四錢 先將甘草以白沙同炒次入姜同

炒次入杏仁同炒篩去沙入桂爲末每二錢水煎溫服如煩躁并水調下

### 消暑十全飲

又白朮 香茹一錢半 厚朴 扁豆子 蘇葉 甘草五分 赤苓 藿香 白檀香 木瓜各一錢

### 香茹湯

又香茹三錢 厚朴 扁豆子 赤苓各一錢半 甘草五分 水煎服或爲末湯點二錢服他暑藥皆不及此

### 連理湯

又甘草 人參 白朮 乾姜 茯苓 黃連 炙

### 桂苓元

又肉桂 赤苓 等分蜜丸每兩作八丸每

### 縮脾飲

又砂仁錢半 草果 烏梅肉 香茹 草各一錢 葛根 扁豆子各七分 姜五

### 治疰夏病方

### 參歸益元湯

疰夏 當歸 白朮 熟地 茯苓 麥冬各一錢 陳皮 酒黃柏 酒知母各七分 人參五分 甘草三分 五味子十粒 素二枚 米一撮

### 生脉散

又人參 麥冬 五味子

黃芪建中湯

又糖

白芍 黃芪

桂枝

生薑

甘草

大棗

饴

補中益氣湯

又胡

人參 甘草

黃芪 陳皮

當歸

白朮

升麻

柴

附錄服藥總法

周禹載曰傷暑傷寒溫涼諸症皆邪氣

欺正氣也用藥如對敵藥入則邪漸退藥力盡而邪又漸

熾必一服周時卽詳勢診脉藥對則日夜連進三五服以

邪退病安爲主此法惟仲景傷寒論孫思邈千金方中載

之孫曰夏天日五夜三服冬天日三夜五服必期病退而

後止如禦敵者愈驅愈逐加精銳蕩平而後班師此萬全

之勝算也自宋以後此法不傳故取效寡而活人之功疏

愚用此法屢獲神奇之效

瘧疾源流

沈金鰲撰

諸瘧暑病也。邪入於陰，則陰寔陽虛而發寒。邪入於陽，則陽寔陰虛而發熱。經故曰：寒熱更作，陰陽相移也。蓋暑邪傷人，或舍皮膚之內，與衛氣並居，因隨日行陽，夜行陰之衛氣並行，而得陽則外出，得陰則內薄，是以有日作之瘧，或邪舍深而內薄于陰，則邪在臟矣。在臟者，其行遲，不能隨衛氣之行，陽行陰以准，外出內薄之候，故陰常與陽爭不得出，而有間日一作之瘧，或邪與衛氣會於六腑，有時相守，不能相爭，因又有休數日一作之瘧。此內經論瘧之精蘊，有可悉其源流者也。然瘧雖原於暑熱，而瘧之發寔因於寒。與風經曰：夏傷于暑，汗大出，腠理開發，因淒滄之水寒藏皮膚中，秋傷風，則病成。夫所謂水者，因浴而受水之氣也。所謂寒者，因暑乘涼而反受寒也。是水寒之氣當盛夏之時，與暑熱之邪並伏。



皮膚之內。迨秋風外束。而新涼之陰欲入。暑陽從內拒之。暑陽欲挾水寒之氣。而出新涼之陰。又從外遏之。陰陽相搏而成瘧。此瘧所以原於暑而發。必因于寒與風也。特風寒之感。必有重輕。有先後。經曰。先傷寒。後傷風。故先寒後熱。病名寒瘧。固已。其曰先傷風。後傷寒。故先熱後寒。病名溫瘧者。其先傷之風。乃由盛暑汗出。當風所感之風。言非指新秋外束之風。言也。既當風而受風。復因貪涼而反受寒。此風與寒之邪。均伏于皮膚內。至秋重又感風而作也。其曰肺素有熱。氣盛于身。發則陽氣盛。其氣不及於陰。而但熱不寒者。病又名瘧。瘧凡此皆指應暑之瘧。言之其寔。四季之氣。寒熱相劫。皆能爲瘧。經所云秋病者寒甚。冬病者寒不甚。春病者惡風。夏病者多汗是也。故於溫瘧復申之曰。溫瘧者得之冬。中于風寒。氣藏於骨髓。至春陽大發。邪不能自出。因遇大暑。腠理發泄。兼

有所用力邪與汗皆出。此病藏于腎。白內而出之外者。據是推之。四時皆能爲瘡。益信矣。至發之時。有或晚或早者。以邪必客風府。風府者。項骨第一節之位。項骨有三節。脊骨二十一節。共二十四節。下爲尾骶骨。邪自風府。日下一節。故發晚。二十五日。直至骶骨。二十六日。邪復自後而前。入於脊內。以注伏膂之脈。由是邪在伏膂。循脊上行。爲自陰就陽。卻無關節之阻。其邪亦日退。九日。卽出。缺盆而發。漸早。故瘡之發。無論日與間日。其邪隨經絡以內。薄者。必俟衛氣相會。合病乃發也。總之。邪之淺者。日隨衛氣爲出入。衛氣一日一夜與邪氣會於風府。瘡卽相應而發。邪之深者。卽留著於內。不能日隨衛氣出入。須俟衛氣周流。適與邪氣相值。而相值之候。或間日。或休數日。相值之時。或早或晚。旣不能拘。故病亦不能日發。且不能有定時耳。瘡之爲義。如是盡矣。試進詳治之之法。

古人云有汗欲其無汗養正爲先

宜參苓朮等  
秋冬加桂枝

無汗欲其有汗

散邪爲急

宜柴胡葛根石膏羌活姜皮人參蒼朮等

其大旨也要而論之瘧之發如水

冷如火熱如風雨驟至猝不可當其病爲逆殊不易治而究其故

要皆中氣不足脾胃虛弱暑邪與風寒乘虛客之而作故治之者

莫先於清暑益氣祛風消痰兼理脾胃而又隨經隨症投藥解散

之則庶幾其有濟矣何則瘧之作六經皆有現症足太陽症腰痛

頭疼且重遍身骨痛小便短赤寒從背起先寒後熱熱止汗出難

已蓋邪在三陽盛于表故汗出不收也

宜羌活黃芩湯加減

足陽明症頭疼

鼻乾渴欲引飲不得眠先寒洒淅寒甚久乃熱甚則煩躁畏日月

火光熱去汗出蓋以陽明爲熱甚之腑寒勝之故先寒久乃熱也

畏日月火光者熱腑而爲陰邪所掩故觸乎熱反畏之也

宜大劑竹葉石

膏湯

加減足少陽症口苦耳聾胸脇痛或嘔身體解休見人惕惕然寒

不甚熱不甚熱多汗出甚蓋以病在半表裏故寒熱俱不甚邪在

胆而怯故心惕少陽主木火故熱多且汗出甚解伙者倦怠不耐

煩也宜小柴胡湯加減以上三陽經瘧大約多熱多渴亦易得汗急宜大

劑以逐暑邪除熱渴去頭疼宜辛寒如石膏知母柴胡甘寒如葛根麥冬竹葉梗米苦寒如黃芩為君

兼寒甚者用辛溫如姜皮桂枝脾胃虛弱飲食不消者補以參木佐以薏仁砂仁草薏麥芽和壳陳皮山查神曲以為消導下

午或空日兼服扶脾開胃之藥大補元氣宜參木健脾湯自然易瘳士材

李氏云在太陽日風瘧宜汗陽明日熱瘧宜下少陽日風熱瘧宜

和其法亦可臨時酌用足太陰症不樂善太息不嗜食先寒後熱

或寒多若脾瘧必寒從中起善嘔嘔已乃衰然後發熱熱過汗出

乃已熱甚者或渴否則不渴喜火蓋以脾喜樂病則否上焦痞塞

故好太息而不嗜食太陰主裏邪不易解故多寒熱脾病及胃故

善嘔也宜桂枝湯加減參用建中湯脾寒諸瘧宜橘皮散足厥陰瘧腰痛少腹滿小便不

利如癰狀。意恐懼。易太息。先寒後熱。甚者色蒼蒼如欲死。或頭疼。

而渴。蓋以厥陰之脉環陰器。抵少腹。布脇肋。故多腰腹小便之病。

凡小水不利爲癰。如癰者病不在小水。而在邪之陷。急數欲便也。

肝氣不足。故恐懼而太息。

宜先用三黃石膏湯以祛暑邪。次用鼈甲牛膝湯加減。

定少陰症。

腰痛。脊強口渴。嘔吐甚。小便短赤。欲閉戶牖而處。寒從下起。寒熱

俱甚。熱多寒少。其病難已。蓋以少陰主裡。則陰氣上沖。故嘔吐甚。

腎病則陰虛。陰虛故熱多寒少。病在陰。故欲暗處。腎陰臟而邪居

之。故難已也。

宜先用人參白虎湯。次用鼈甲牛膝湯加減。以上治六經諸癰。悉本經仲淳法。

是知三陽

癰其邪淺。發在夏至後。處暑前三陰癰其邪深。發在處暑後。冬至

前。其大較也。三陰三陽癰俱有日作間作之症。前輩謂三陽癰定

日作。三陰癰定間日者非也。獨三日癰。卽經所云。休數日作者。乃

必發于三陰耳。故必審其脉症。知爲何經。然後決經治之。丹溪謂

爲作于子午卯酉日者少陰經瘡作于寅申巳亥日者厥陰經瘡

作于辰戌丑未日者太陰經瘡亦是審驗三陰經法宜以鹽甲牛

引經藥作于夜而便燥者加當歸脾胃弱者勿加佐以姜皮熱甚勿入大劑與之既審知何經而施治其

或有痰兼去痰宜加栝有癖兼除癖宜加經絡阻碍兼透經絡宜

川山若止暑結榮分則栝榔等俱無所用宜鼈甲香此治三日瘡

之大法也邪氣深伏并能爲五臟瘡如肺瘡則心寒寒甚則熱熱

時善驚如有所見蓋以肺爲心覆寒邪乘所不勝故心寒心氣受

傷故善驚也宜桂枝加心瘡則煩心甚欲得清水反寒多而不甚

熱蓋以邪在心故煩欲得水以解心陽臟而邪居之則陽虛陰盛

故反寒多不甚熱也宜桂枝肝瘡則面青太息狀若死蓋以肝氣

蒼肝鬱則氣逆故太息木病則強故若死也宜四脾瘡則寒時腹

痛熱時腹鳴鳴已汗出蓋以脾至陰而邪居之故寒而腹痛寒已

而熱脾氣得行故腹中鳴。鳴已陽氣外達故汗出而解也。宜小建中湯。

散腎瘧則腰脊痛大便難。目眩暈然手足寒。益以腎脉貫脊開竅。

于二陰故腰脊大便病目不明水虧也。手足寒陰厥也。宜桂枝加歸芍湯。

但前既言六經瘧而此又言五臟瘧者以前就經言邪只中諸臟

之經此就部言邪并中諸臟之部故非重複也。此外又有風寒暑

溼痰食血勞瘧疫鬼牝瘧母等症。土材謂為瘧之兼病非因而成

瘧者是也。然既有此等兼病則必有其所由然與其所以治風瘧

者自感風而得風為陽邪故其症先熱後寒惡風自汗頭疼煩躁。

宜川芎白芷細辛。青皮枳椇紫蘇。寒瘧者自感寒而得與經言寒瘧不同寒為陰

邪故先寒後熱且寒多熱少惡寒無汗。舉痛而慘。宜姜桂厚朴草

果等附子亦可。暑瘧者專受暑而得與凡瘧之因暑而反受風寒以成者不同。

故但熱不寒或多熱裡寔不泄煩渴而嘔肌肉消削。宜益元散香薷飲小柴胡。

湯參用之。淫癰者。淫氣而成。其症寒熱相等。小便不利。身體

重痛。肢節煩疼。嘔逆脹滿。宜參用胃苓湯除濕湯痰癰者。痰結胸

中。與凡癰所挾之痰更甚。故寒熱乍已。胸中滿悶不退。或頭疼肉

跳吐食嘔沫。甚則昏迷卒倒。皆是痰涎結聚之故。宜二陳湯食癰

者。飲食不節。食滯痰生所致。故寒已復熱。熱已復寒。寒熱交併。饑

不能食。食則脹滿嘔逆。腹痛。亦名胃癰。宜青皮陳皮砂仁蔻仁血

癰者。或衄血。或便血。或女人月事適來。皆是血症。宜於治瘧藥中

等。胡索勞瘧者。以真元不足。表裡俱虛。或作勞。或房勞所致。故病發

於陰。即久瘧也。其症寒熱甚微。寒中有熱。熱中有寒。最難調治。宜

中益氣湯酌加瘧甲牛膝首烏瘧瘧者。感受山嵐淫澗之毒氣。以至敗血瘀心。瘧

涎聚脾。故乍寒乍熱。迷困發狂。或哕而不言。嶺南最多此症。宜小

湯加大瘧瘧者。一方長幼相似。因染時行不正之氣。變成寒熱。須



麥氣運用藥

宜五瘟丹不  
煥金正氣散

鬼瘧者亦感時行不正之氣以至成瘧

寒熱日作或甚或不甚每發必胡言亂語見神見鬼多生恐怖宜

木白芷桃  
仁雄黃

牝瘧者陽氣素虛又久受陰濕陰盛陽虛故但寒不熱

氣虛而泄

宜柴胡姜桂  
湯或加黃芩

至於瘧母者緣治之失宜營衛虧損邪伏

肝經挾血挾痰挾食腸下結成塊是也必以補虛為主不可輕用

攻劑

宜參用小柴胡湯四君子湯加  
甲肉桂射干牡蠣砂仁三稜青皮

而猶有未盡者更陳列之

瘧必由中氣虛若用破氣藥則中氣愈傷邪不得解甚則中滿不

思食作泄惡寒口乾種種變生急難醫治如或遇此速宜培補真

氣

宜六君  
子湯

瘧病必挾痰所謂無痰不成瘧是也然痰有寒熱之分

不容概治

熱痰以貝母為君竹茹竹瀝橘紅茯苓瓜蒌霜佐之寒  
痰發瘧寒多不渴以半夏白朮橘皮為君姜皮佐之

瘧病必挾風有風者先治其邪宜以首烏為君白朮橘皮為臣葛  
根羌活姜皮為佐不頭疼去羌活

瘧有暑溼熱之邪內伏百藥不效者尤宜詳審或稍下之亦可宜

青

蒿蒼木。瘡有寒甚而因於虛者。治必兼補兼散。宜以甘溫如參芪  
枳實。皮桂枝。瘡發在陰分者。不得概用陽分藥。宜以當歸牛膝為君佐  
為佐。姜加知母麥冬。瘡發日久。多熱不解者。必本陰虛。當益陰除熱。宜  
竹葉龜甲等。瘡發日久。多寒不解者。必本陽虛。當補中益氣。宜以參芪  
為主。瘡發日久。并寒與熱不歇者。為有根。根者何。水飲敗血結癖是也。  
蓋水飲皆能生寒熱。敗血為暑熱之毒。結癖為瘡母。而有結癖者。  
脇必痛。以癖必結於脇下也。凡此皆為寒熱不歇之根。故挾水飲  
者。當逐水飲。挾敗血者。當消暑毒。有結癖者。當攻其癖。能隨症疏  
利之。寒熱自除矣。直指云。瘡多用常山。以水在上。能吐之。水在中  
下能破其結而下其水。斯言良是也。此皆治瘡之要法。不可不知  
者。若瘡後變症。惟痢最為危急。而其變痢之由。有因暑邪太盛。解  
散不早。即或解散不能通暢。以至陷入于裡。變而為痢者。急用表

裡分消之法以治之

宜以芩連芍草滑石紅麴以消裡為根升柴以治外脾胃弱加人參扁豆蓮肉連進

大劑以痢愈為度痢愈瘧亦止即不止其發亦輕仍隨經隨症施

治有因誤下邪氣陷於內變而為痢者則必兼腹滿腫脹嘔惡不

思食等症法宜逐邪去滯以培土

宜芩連芍草滑石紅麴葛根柴胡人參蓮肉等及陳皮藿香厚

朴姜

亦以痢愈為度此二因者症之最急治之之藥必宜大劑若

胆小雖用藥不謬終不去病以至遷延不救其次瘧勞或素有弱

症而又患瘧以至舊病更深或因瘧煎熬日久頓憊精神衰耗內

熱不清肌內消削漸至往來潮熱致成癆瘵急宜察其何經受病

以補益調理之

宜補中益氣湯八味丸為主

其次厥瘧總由氣血虧虛調理失

宜或因寒而厚衣重被至發熱不去過傷於暖或因熱而單衣露

體雖過時猶然至又感寒遂成厥瘧治者當分別寒熱不得混施

湯劑

熱厥宜升陽散火湯寒厥宜建中湯及附桂吳萸俱可酌用或兼氣虛參用參芪益氣湯或兼血虛參用四物湯

以

上種種諸法固合瘧之症變爲治矣。寧患有未瘳乎。至如似瘧非瘧一症亦惡寒亦發熱亦或連日作或間日作而其與瘧分別處惟在乎脉不必。皆由感冒風寒忽覺毛寒股慄百骸鼓撼嘔不能食未幾而發熱有似瘧狀也。其或有熱多者。宜小柴胡湯或有寒多者。宜人參養胃湯或有內傷虛者。宜補中益氣湯加山查麥芽薏仁以扶脾胃。皆宜隨症施治。自止矣。然傷寒癘病各有如瘧各宜從本病施治。卽痰飲癰疽積聚傷食暑溼燥火瘰疽瘡毒等症俱有寒熱似瘧者須細問其原不得概認爲瘧。

脉法 要略曰瘧脉自弦。弦數多熱弦遲多寒。弦小緊者宜下之。弦遲者可溫之。弦而緊者可發汗。浮大者可吐之。弦數者風發也。以飲食消息止之。脉經曰瘧脉自弦微則爲虛代散則死。丹溪曰瘧脉多弦但熱則帶數寒則帶遲亦有病人而脉

極虛微無力似乎不弦然必于虛數之中見弦但不搏手耳細察之可也。醫鑑曰弦短者傷食。弦滑者多痰。虛微無力爲久瘧。回春曰瘧脉遲緩者病自愈。

瘧疾形症 內經曰陰陽交爭。陽并于陰則陰寔而陽虛陽明虛則寒慄鼓頤。太陽虛則腰背頭項痛。三陽俱虛則陰氣勝陰勝則骨寒而痛。寒生于內故中外皆寒陽盛則外熱陰虛則內熱。內外皆熱則喘而咳故欲飲冷。入門曰衛虛則先寒營虛則先熱表邪多則寒多裡邪多則熱多表裡相半則寒熱相等。丹溪曰人之榮衛晝行于陽陽表也夜行于陰陰裡也榮衛行到病所不通乃作寒慄鼓振頭頤中外皆寒腰脊俱痛此邪氣入于內也寒戰俱已內外皆熱頭痛如破渴欲飲冷煩滿欲吐自汗此邪氣發于外也。三因曰暑瘧則單熱溼瘧則多寒。

寒瘧則先寒後熱。風瘧則先熱後寒。餘皆先寒後熱。又曰陽不足則陰邪出表而與陽爭。乃陰勝而爲寒。陰不足則陽邪入裏而與陰爭。乃陽勝而爲熱。若邪入而正氣不與之爭。則但熱而無寒。陽不足則先寒。陰不足則先熱。東垣曰。身後則爲太陽。太陽者。膀胱水寒也。身前爲陽明。陽明者。大腸金燥也。少陽之邪在其中。近後膀胱水則惡寒。近前陽明金則發熱。故往來寒熱而爲瘧。

瘧發日數。丹溪曰。三日一發者。受病一年。間日一發者。受病半年。連日發者。受病一月。二日連發住一日者。氣血俱受病也。又曰。三日一發。陰經受病最重。入門曰。陽爲腑。邪淺與榮衛並行。一日一作。陰爲臟。邪深橫連膜原。不能與正氣並行。故間日蓄積乃作。或三四日一作。久則必爲瘧母。

瘧發時刻。保命曰。從卯至午作者。邪在外也。從午至酉作者。邪在內也。從酉至子作。或至寅作者。邪在血分也。入門曰陽。爲子時至巳。陰爲午時至亥。如作寅卯而退于未申。或作未申而退于子丑。皆謂之陰陽不分。須用藥。趨早。或移時分。定陰陽。然後陽瘧截住。陰瘧升散。

瘧發晝夜宜分治。醫鑑曰。氣虛則日發。宜補中益氣湯加半夏黃芩六君子湯。血虛則夜發。宜麻黃黃芩湯。柴胡芎歸湯。瘧疾治法。保命曰。太陽曰寒瘧。宜汗。正陽明曰熱瘧。宜下。少陽曰風瘧。宜和。三經皆謂暴瘧。在三陰俱曰溫瘧。宜汗下和。瘧者老瘧也。故曰久瘧。又曰太陽瘧。宜桂枝羌活湯。麻黃羌活湯。陽明瘧。宜柴芩湯。人參白虎湯。少陽瘧。宜柴胡桂枝湯。柴胡加桂湯。三陰瘧。總宜白虎桂枝湯。麻黃白朮湯。太陽陽明合瘧。

宜桂枝芍藥湯。桂枝石膏湯。三陽合瘧。宜桂枝黃芩湯。以和之。  
正傳曰。傷寒餘熱未盡。重感于寒而變瘧。名曰溫瘧。亦名風  
瘧。此爲傷寒壞症。其症先熱後寒。不得作正瘧疾治。入門曰。  
桂枝湯治太陽。白虎湯治陽明。小柴胡湯治少陽。意甚明白。挾  
痰合二陳湯。挾食合平胃散。尿瀉合五苓散。便閉合大柴胡湯。  
無汗加葛根蒼朮。有汗加黃芩白朮。氣虛加人參白朮。熱甚加  
芩連。寒多加草果。口渴加烏梅。夜作加桃仁赤芍。日久加常山。  
枳榔吐之。治瘧之法盡矣。又曰。瘧無汗。宜用柴胡升麻川芎。多  
汗。宜用白朮烏梅。得效曰。瘧疾者。陰陽交爭。寒熱互作用藥。  
須半生半熟。半冷半熱。乃收十全之功。蓋所以分陰陽。解寒熱  
也。直指曰。凡瘧方來。與正發時。不可服藥。恐藥病交爭。轉爲  
深害。須未發兩時之前。或發日清晨。與服。仍節飲食。避風寒。遠



酒色。慎起居無不愈。醫鑑曰。如瘧疾寒熱大作。此太陽陽明合病也。謂之大爭。寒作則必戰動。熱發則必汗泄。經曰。汗出不愈。知爲熱也。不治之。恐久而傳入陰經。故宜用桂枝芍藥以解之。若服此湯後。寒熱轉甚者。知太陽陽明少陽三經合病也。故又宜桂枝黃芩湯以和之。

瘧疾難治不治症。靈樞曰。寒熱脫形。脉堅搏逆也。死不治。得效曰。久瘧復作。虛浮不食者。難治。久瘧腰脊強急。瘕瘕者。必不治。

瘧疾導引法。保生祕要曰。平生坐定。雙手擦掌。撫腎囊。兩肘靠膝。以聲勢向前躬而後抑。如此用力。起五九之數。約汗透身。輕爽而自愈。慎風邪。

瘧疾運功。保生祕要曰。定良起念。運上風門穴。多着工夫。蓋

風感此透也漸運入內又散出外上泥丸降心頭推開或吐而愈不吐亦愈。

治瘧方四十六

羌活黃芩湯

太陽瘧 羌活 黃芩 陳皮 前胡 諸苓 甘草 知母 如口渴即兼陽明宜倍知母

加麥冬石膏 渴而汗少或無汗加葛根 如

深秋或冬無汗加姜皮 因虛汗多加黃芪桂枝汗止

人參麥冬姜皮 因虛汗多加黃芪桂枝汗止

即去桂枝若素有熱勿入桂枝代以白芍五錢

子若發于陰加當歸 小便短赤或澀加六

一散春溫以扶苓猪苓代之

桂枝羌活湯

又桂枝 羌活 防風 甘草各一錢半 此方能治太陽瘧自汗頭項痛腰脊強

麻黃羌活湯

又麻黃 羌活 防風 甘草 此方能治太陽瘧無汗即前方去桂枝用麻黃也

陽明瘧 柴胡一錢六分 澤瀉一錢三分

柴苓湯

赤苓 猪苓 白朮各七分半 半夏七分

黃芩 人參 甘草各六分 桂心三分

姜三片

竹葉石膏湯

又竹葉 石膏 人參 麥冬 甘草 生 梗米 無汗或汗少不嘔者加葛根 虛而作

暑 瘧疾方

卷五十五

勞加人參 汗多加白朮 痰多加橘紅貝母  
得汗即解 寒熱俱甚渴甚汗多寒時指甲紫  
黯者加 桂枝

### 小柴胡湯

少陽瘧 柴胡 黃芩 人參 半夏 甘草  
姜 棗 渴者去半夏加石膏麥冬 肺熱  
去人參倍麥冬加知母 有痰不渴加貝母白  
朮 茯苓 姜皮 陰虛有熱雖嘔吐忌用半夏生  
姜恐損津液至聲啞加竹 茹 橘皮 茯苓 烏梅 麥冬

### 柴胡桂枝湯

又 柴胡二錢 桂枝 黃芩 人參 白朮  
半夏各一錢 甘草五分 姜三 棗二  
此方能治少陽瘧  
寒熱乍往乍來

### 柴胡加桂湯

又 柴胡三錢 黃芩 桂枝各二錢半 半  
夏一錢 甘草四分 姜三 棗二  
二陽瘧 桂枝一錢 赤芍 知母 石膏

### 桂枝芍藥湯

黃芩各二錢  
又 石膏 知母各三錢 黃芩二錢  
桂枝一錢

### 桂枝石膏湯

又 石膏 知母各三錢 黃芩二錢  
桂枝一錢

### 桂枝黃芩湯

三陽瘧 柴胡二錢 石膏 知母各一錢半  
人參 黃芩 半夏 甘草各一錢二分  
桂枝一錢

參朮健脾湯

凡瘧總服 人參 橘紅 茯苓 白朮 山查 麥芽 薑香 白朮 白芍 山藥

肺火去參朮加麥冬石斛烏梅 傷肉食加黃連紅曲 傷穀

食加枳實草果 傷麵食加萊菔子食消即已

單用本方 胃家素有怪痰其逆不渴寒多方

白虎桂枝湯

三陰瘧 石膏四錢 知母二錢 桂枝 甘草 草各一錢 梗米一合 三陰瘧其脉如平無

寒但熱骨節煩疼時便難朝發暮解暮發朝解

麻黃白芍湯

又 麻黃 桂皮 青皮 陳皮 半夏曲 白芷 蘇葉 赤苓 白朮 桔梗 細辛

枳實 甘草各七分

桂枝湯

姜三片 棗二枚 太陰瘧 桂枝 芍藥 甘草 姜 棗

建中湯

有痰加陳皮白朮

橘皮散

脾寒諸瘧 廣皮八兩去白切姜汁浸過一宿 砂罐內重湯煮乾焙研末每服三錢大棗十枚 去枝水一碗煎至半碗發前服即以棗下之

此方非寒極甚者勿與服

三黃石膏湯

厥陰瘧

鼈甲牛膝湯

又鼈甲牛膝當歸陳皮柴胡熱甚而渴倍鼈甲加花粉麥冬知母脾胃弱或

人參白虎湯

少陰瘧陽明瘧人參石膏知母甘草梗米凡少陰瘧先用本方加桂枝以祛暑

邪後加鼈甲牛膝熱甚而嘔加竹茹人參陳皮用甚加桂枝

桂枝牛膝者肝腎同一治也

桂枝加藥湯

肺瘧桂枝芍藥甘草姜棗心瘧桂枝芍藥甘草黃芩姜棗

桂枝黃芩湯

四逆湯

肝瘧附子乾姜甘草

小建中湯

脾瘧桂枝芍藥甘草飴糖姜棗

桂枝加歸湯

腎瘧桂枝芍藥甘草當歸姜棗

益元散

暑瘧滑石甘草硃砂

香茹飲

又 香茹 厚朴 扁豆子 甘草

胃苓湯

溼痰 蒼朮 厚朴 陳皮 甘草 白朮  
肉桂 茯苓 猪苓 澤瀉

除溼湯

又 蒼朮 厚朴 陳皮 甘草 白朮  
茯苓 半夏 薤香

加味二陳湯

又 半夏 陳皮 茯苓 甘草 黃芩  
羌活 蒼朮

二陳湯

痰癰 半夏 陳皮 茯苓 甘草

導痰湯

又 半夏 南星 赤苓 枳實 廣橘紅  
甘草 生薑

不換金

正散 又 蒼朮 二錢 厚朴 陳皮 藿香 半夏  
甘草 各一錢 姜一片 棗二枚

五瘟丹

疫癘 黃連 火戊癸年為君 黃柏 水丙辛年  
為君 黃芩 金乙庚年為君 甘草 土甲巳年  
為君 香附 木丁壬年為君 紫蘇 葉各一兩

大黃 三兩 熬成膏 為丸 彈子大 硃砂 雄黃 為衣  
再貼金箔 每丸 井華水 磨服

補中益氣湯

勞瘵 晝發 瘧 人參 黃芪 白朮 甘草  
陳皮 歸身 升麻 柴胡

柴胡姜桂湯

牝癰 柴胡 乾姜 桂枝 黃芩 花粉  
牡蠣 甘草

暑

建疾方

卷十五

五

六君子湯

癰母書發瘡 陳皮 人參 白木 茯苓 甘草

調中益氣湯

瘧癘 白芍 人參 柴胡 黃芪 升麻 白木 甘草 當歸

歸脾湯

瘧癘 遠志 人參 茯苓 黃芪 當歸 白木 五味子 棗仁

八味丸

瘧癘 澤瀉 附子 熟地 山藥 肉桂 山英 丹皮 茯苓

升陽散火湯

熱厥瘧 升麻 柴胡 羌活 獨活 葛根

理中湯

寒厥瘧 防風 人參 白木 炮姜 炙草

參芪益氣湯

氣虛瘧 陳皮 人參 黃芪 白木 五味 麥冬

四物湯

血虛瘧 炮附子 川芎 當歸 白芍 熟地

麻黃黃芩湯

夜發瘧 甘草 麻黃 三錢 黃芩 二錢 桂心 一錢

仁味甘苦辛肝者血之海血受邪則肝氣燥經所謂肝苦急食甘以緩之桃仁散血緩肝謂邪氣深遠而入血故夜發乃陰經有邪此湯乃發散血中風寒之劑也

柴胡芍歸湯

又柴胡 芍藥 人參 厚朴 白木 桔梗 當歸

陳皮各七分 紅花 甘草各三分 姜三片 棗二枚 烏梅一枚 此方能治夜發之

瘧引出血分而散後再服人參截瘧飲自愈矣

### 人參截瘧飲

皮 厚朴 柴胡 白朮 茯苓 當歸 青

草果 醋薑甲各八分 肉桂 甘草各三分 姜三片 棗三枚 烏梅一個 桃仁七粒

水煎露一夜五更空心服渣再煎朝服糖拌烏梅下藥忌雞魚豆腐麵食辛辣物 此方虛人尤妙

### 截瘧飲

又 黃芪二錢 人參 白朮 茯苓各錢半 砂仁 草果 橘紅各一錢 五味子八分

甘草六分 烏梅三個 姜三片 棗二枚 此方治虛人久瘧不止極效

### 截瘧方

又 人參自四錢至一兩 姜皮或生姜相配 露一夜發日五更服必止甚者連進二服或三

服如貧以白朮代參夜發者加當歸無不應手 取效 此必久瘧料無外邪內滯方可服

### 人參養胃湯

似瘧非瘧 人參 白朮 橘紅 半夏曲 丁香 木香 藿香 神曲 麥芽 茯苓 砂仁 厚朴 建連 甘草各七分 姜三片



附載倪涵初治瘧四方

第一方

廣皮 姜半夏 茯苓 威靈仙各一錢  
蒼朮 姜厚朴 柴胡 黃芩各八分 青皮  
檳榔各六分 炙甘草三分 頭痛加白芷  
加姜三片 右咀片如法炮製河井水各一  
杯煎九分饌時服渣再煎服 此方平胃消  
痰理氣除溼有疏導開先之功受病輕者二  
帖即愈勿再藥可也若二帖後病勢雖減而  
不全愈必用第二方少則三帖多則五帖而  
已

第二方

生首烏三錢 知母 醋龜甲各二錢 白  
朮 威靈仙 當歸各一錢 茯苓 枯黃  
芩 柴胡 陳皮各八分 炙甘草三分  
姜三片 井水各一杯煎八分加無灰  
酒五升再煎一沸空心服渣再煎服 此方  
補瀉互用虛實得宜不用人參黃芪屏去常  
山草果平平無奇卻有神效即極弱之人犯  
極重之病十帖後立有起色功奏萬全所云  
加減一二劑不靈  
應者正此方也

第三方

黃芪 當歸各一錢二分 人參 白朮各  
一錢 柴胡 陳皮各八分 升麻四分

炙甘草三分 或加首烏二錢 炒知母一錢

或又加麥芽一錢 青蒿子八分 皆可 姜

一片 棗二枚 水二杯 煎八分 半飯時服三

五帖 元氣充寔 永不發矣 方雖有三第二寔

為主 方既刻削 亦可峻補 功獨歸之 其第三

方專為有力者設 若貧家只多服第二方可也

瘧之為害 南人患之 北人尤甚 弱者患之 強

者尤甚 雖不至遽傷人命 然不治則發無已時

治之不得其道 則邪惡內伏 正氣日虛 久而久

之遂不可治 予所定三方 甚為平易 無奇絕不

入常山草果等劫劑 且不必分陽瘧陰瘧 連日

間日三日及非時瘧 人無不分 老幼疾不論久近

此三方不用加減 惟按次第服之 無不應手而愈也

威靈仙 醋莪術 炒麥芽 各一兩 生首烏

二兩 金毛狗脊 八錢 青蒿子 黃丹 一兩

山甲水 煮切細 炒成珠 醋鹽甲 各五錢 如

小兒加炙雞肫皮五錢 用山藥粉一兩 飴糖

一兩 水一小碗 為糊丸 每半飯時姜湯下 二三

錢 凡處暑後冬至前 或間日 或非時 癰延山

久須治瘧 母子當酌定此方 以

治人服不半料 無不全愈 收功

附載繆仲淳治瘧諸法及諸藥要品

暑 癰疾方

卷十五

熱多

貝母 麥冬 葛根 竹葉 知母 黃芩  
柴胡 烏梅 首烏 龜甲 牡蠣 石膏  
橘紅 滑石 牛膝 茯苓

寒多

桂枝 姜皮 人參 白朮 蒼朮 黃芪  
歸身 炙草 半夏 橘紅 薤仁 草薤仁  
人參 白朮 黃芪 秋冬加桂枝

汗多

無汗

瘧母

葛根 柴胡 石膏 羌活 姜皮 人參  
蒼朮 射干 牡蠣 三稜 砂仁 肉桂  
龜甲 青皮 陳皮 甘草

痢疾源流

沈金鰲撰

諸痢暑溼病也。太陰脾之病根，皆由溼蒸熱壅，以至氣血凝滯，漸至腸胃之病。惟由溼熱故多偏於燥，裡急後重，小便赤濇，皆其症也。惟由氣血鬱滯，故血主于心而熱鬱傷血者，心亦由是而病。氣生于肺而凝滯傷氣者，肺亦由是而病。至心之表爲小腸，肺之表爲大腸，二經出納水穀，轉輸糟粕而胃又爲二經之總司，故心移病小腸，則血凝而成赤痢；肺移病大腸，則氣結而成白痢。而血與氣之凝結，必挾飲食痰涎，始成積滯。其飲食痰涎皆貯于胃，故痢之病不離乎胃。此病起心肺而及于胃者也。亦有胃家本經溼熱傳染于大小腸者，則以大小腸爲出納轉輸之官，而胃家飲食痰涎之積滯，必由大小腸出，故病又從胃而及。二經其所痢又必兼黃，蓋以黃爲土色也。則就所痢之色，其或是赤，可知病因于血，卽

病根于心。其或是白。可知病因於氣。即病根于肺。其或是黃。可知

病因于飲食。痰涎。即病根於胃。從其根而治之。各投以引經之藥。

為向導。心黃連細辛肺桔梗升麻白芷。豈可概從腸胃之說乎哉。

特所謂從根而治者。傷氣分則調氣益氣。宜導氣湯異功散四。傷

血分則和血補血。宜阿膠四物湯四物地。傷胃分則安胃養胃。宜

苓湯香砂枳。固各有所主矣。而要法則必先祛暑邪兼滲。宜。湯

勝淫。雖病在氣血。亦必兼理脾胃為主。經云。安穀則昌。絕穀則亡。

此之謂也。至於痢久。則傷腎。則以腎為胃關。開竅于二陰。病既或

由心肺而及胃。以注於二經。或專由胃以及大小腸而注于二經。

總未有不傷腎者。故治必當補腎。宜熟地炭丹皮沉。使命門之火

旺。有以生土。將飲食自進。垢滯自化矣。此各經致痢之原。不可不

別而治也。若但拘痢無止法一言。概行攻伐。必愈損血耗氣。或又

拘初則行久則滯之語每至固瀉之後壅滯氣血變為腫脹喘急

宜木香調氣湯蘇子降氣湯非不審其經以治其根而及其流之過哉總之痢

之由於氣者必疏通之由于血者必調和之由于飲食痰涎者必

推盪之以至由氣血而傷及脾胃必培補中宮宜歸脾湯由氣血

與脾胃而傷腎必峻補元陽如附桂五味補骨脂赤石脂此治痢之

大凡也然而病之由來不一更變無窮固不得不求其詳也試條

舉之或發痢冒暑而成白汗發熱面垢嘔渴腹痛小便不通此暑

淫積滯皆有之宜香茹飲五苓散或初發時即裡急後重

所下無多纔起腹又痛此淫熱凝滯之故宜藿香正氣散加木香

水片或裡急登圜反不出則由于氣滯宜蘇子降氣湯木香或裡

急而頻見汗衣則為氣脫宜理中湯補中益氣或後重而至固稍

減則為火迫宜治痢方中或後重而至固不減則為虛滑宜真人養

痢疾

或後重而至圓轉甚則為下陷宜治痢方中加升或腹中疼痛不

止則由肺邪鬱在大腸宜枯梗蘇子為君白芍甘草陳皮木香當

用建中湯一方枳殼黃連等分槐花一兩拌炒去槐花或大孔

痛宜分寒熱為治熱治下宜芍連槐花木香枳或痢已止但虛

坐努責不得解則由血虛宜四物湯去川芎或老人深秋患痢晚

逆最宜小心宜黃柏米湯下或胎前作痢不可輕用傷胎藥連白

升麻亦可未滿七月勿用滑石或產後作痢積滯雖多腹痛雖

極不可輕用盪滌藥如大黃芒恐傷胃氣致不可救宜人參白朮

麻炙甘草滑惡露未盡者兼治之宜加乳香血虛者稍清理之宜

石益母草以上總言治病之法也而赤白之分亦有宜別者亦則如下

血由脾經受溼也宜蒼朮下血不止熱毒凝滯也宜散純下血而

色鮮紅心家伏熱也宜犀角赤痢久而百法不效脉沉弦而左為甚

穢物甚少。但有紫黑血水。此瘀血也。

宜乳子白沒藥歸尾桃仁木香枳殼甚者加大黃

如鼻涕如凍膠。此由氣分致病。亦名冷痢。

且先用沉香木香薤仁砂仁次用理中湯加木

香甚有不能食者。

宜肉果陳米

赤白痢則赤白各半。此由冷熱不調也。

宜小駐景丸

又有水穀痢。由脾胃氣虛不能消化水穀。糟粕不聚變而

為水穀痢也。瀉泄亦曰水穀痢。當參看。

宜保和丸

又有膿血痢。凡膿血

稠粘裡急後重皆屬於火。故內經曰。溲瀉而便膿血。言病因也。又

曰。知氣行而血止。言治法也。故易老云。行血則便膿自愈。調氣則

後重自除。重劑則以大黃湯下之。輕劑則以芍藥湯和之。然而所

便膿血。自有三部。如脉沉惡寒。或腰痛臍下痛。此中部血也。非黃

芩不能治。如煩躁先便膿。後見血。此上部血也。非黃連不能治。如

脉沉惡寒。先見血。後便膿。此下部血也。非地榆不能治。但此便膿

血與前赤痢下如膿血者不同。以前則溼病。此則火病也。又有風



痢惡風鼻塞身重色青或純下清水宜管木防風湯或所下似痢非痢似

血非血宜倉廩湯或純下清血宜露風湯又有寒痢所下白如鴨澹腸鳴寤

墜不甚宜理中湯日久則宜補腸宜黃連補腸湯又有淫痢腹脹甚身重

下如黑豆汁或赤黑混濁此危症也宜加味除溼湯又有熱痢與暑痢似

同而異背寒齒乾面垢煩冤燥渴引飲皆暑症不宜輕用熱藥其

冷熱蘊積腸胃間滑洩垢膩者名腸垢即為熱痢宜芩連芍藥湯又有氣

痢狀如蟹渤拘急獨甚宜氣痢丸又有疫痢一方一家之內上下大小

傳染相似是疫毒痢也當察運氣之相勝以治之宜人參敗毒散至

噤口一症食不得入到口即吐尤為危急以胃氣絕或毒氣上冲

心肺症兼頭疼心煩手足溫熱不易治也宜倉廩湯而其致噤之故又

各有異有因宿食未化噎而不下者宜加山查麥芽神曲枳寔有因邪留胃中

脾氣因滯滯者宜加黃連枳壳厚朴有因水飲痰涎積聚者宜加二朮二苓半夏重者加甘

遂有因火炎氣冲者。宜加苓連枳殼茯苓有因胃家虛冷嘔逆者。

宜加桂有因積賦太多惡氣熏蒸者。宜加香連枳有因肝邪乘脾

而嘔吐者。宜加香連白芍各以所因治之仲景用參連石菖粳米

煎湯細呷大妙又有休息痢所謂屢止屢發久而不愈者或因補

瀉太早積滯未清。宜香連丸加或因飲食不節。宜香連丸加台木

或因房慾不戒。宜補中益氣湯或因虛滑太甚卻無積滯。宜粟壳

人參白朮亦各以所因治之又有五色痢所下五色俱有乃脾胃

食積及四氣相併或淫毒甚盛故也當先通利。宜祕方又有毒痢

或痧毒內陷致有膿血各藥不效此險症也。宜忍冬藤為君地榆

至如下後痢已減但久而不能全愈此由虛也然不可驟用瀉藥

恐因瀉而腸胃不利反作痛。宜白芍茯苓木香甘草升麻陳皮或

參丸久痢已成壞病變態百出當勿拘脉症概用補益以治之。宜

亦可

附香砂茂木 久痢變成痛風。皆調攝失宜之故。宜補中益氣湯加  
亦或得生。羌獨虎骨松節乳  
香黃柏蒼  
木桃仁總之痢之爲患艱。瀉難出者急與疏通。滑潤易出者酌  
爲兜澇。然或疏通而誤用巴豆牽牛等味以致洞泄腸開而斃。或  
兜澇而誤投訶子粟壳亞芙蓉肉豆蔻等味以致便閉腹脹。或濕  
熱上攻肢節腫脹拘攣作痛而死。罪皆由醫者之妄耳。可不慎乎  
哉。

脉法 仲景曰下痢脉微弱數者爲欲自愈。雖發熱不死。下痢  
脉大者爲未止。下痢日十餘行。脉反寔者死。脉經曰腸澼下  
膿血。脉沉小留連者生。數疾且大有熱者死。脉訣曰下痢微  
小。卻爲生。脉大而浮洪。卻無差日。又曰無積不痢。脉宜滑大。浮  
弦急死。沉細無害。丹溪曰凡痢身涼脉細者生。身熱脉大者  
死。

辨便色 入門曰熱痢紫黑色寒痢白如鴨溏淫痢下如黑豆汁風瀉純下清水氣痢狀如蟹沫積痢色黃或如魚腦虛痢白如鼻涕凍膠蠱症痢黑如雞肝又曰血寒則凝痢色必紫黑成塊或雜膿血蓋膿爲陳積血爲新積也

痢疾原委 醫鑑曰滯下之症內經所載有血溢血泄血便泄下古方則有消膿血及泄下近世並呼爲痢疾名雖不同其寔一也

痢疾宜從六淫例治 繆仲淳曰滯下者俗呼爲痢疾皆由暑淫與飲食之積滯膠固而成其症類多裡急後重數登圜而不便或發熱或口渴或惡心不思食何莫非暑之標症也必用六一散黃連芍藥爲主而後隨其所苦爲之增損傷氣分則調氣益氣傷血分則行血和血然未有不先治暑而可獲效者矣治

病必求其本。其斯之謂歟。

痢疾四大忌。倪涵初曰。痢爲險惡之症。生死所關。不惟時醫

治之失宜。而古今治法。千家多不得其道。是以不能速收全效。

今立方。何以爲奇。倪氏三不泥成法。故奇也。立論何以爲妙。此

四大忌。不膠成說。故妙也。然其藥品。又不外乎常用之味。有識者

忌論。切不可更張。勿爲庸醫所誤。遵而用之。百試百效者也。又曰。古

今治痢。皆云熱則清之。寒則溫之。初起盛熱。則下之。有表症。則

汗之。小便赤澀。則分利之。此五者。舉世信用如規矩準繩之。不

可易。予謂惟清熱一法。無忌餘。則犯四大忌。不可用也。何謂四

大忌。一曰忌溫補。痢之爲病。由于淫熱蘊積。膠滯于腸胃中。而

發宜清邪熱。導滯氣。行瘀血。而其病卽去。若用參朮等溫補之

藥。則熱愈盛。氣愈滯。而血亦凝。久之正氣虛。邪氣盛。不可療矣。

此投溫補之劑爲禍最烈也。二曰忌大下。痢因邪熱膠滯腸胃而成。與溝渠壅塞相似。惟用磨刮疏通則愈。若用承氣湯大下之。譬如欲清壅塞之渠而注狂瀾之水。壅塞必不能清。無不岸崩堤塌矣。治病而大下之。膠滯必不可去。徒傷胃氣。損元氣而已。正氣傷損。邪氣不可除。壯者猶可。弱者危矣。鰲按此條之論必用大下者。戒固不可不遵。若邪熱積滯壅遏太甚。三焦不能宣通。飲食不能容納。并有氣閉不得升降者。痢下雖多。終不能一時通。而正氣爲邪氣遏塞日久。亦不免傷殘。如此等症。非用大黃等推蕩之亦未易奏效。總在臨時酌劑。不可固執耳。但卽用下藥。亦惟大黃一味爲無弊。不得已佐以元明粉。亦可其餘如牽牛巴豆等慎勿輕投也。三曰忌發汗。痢有頭痛目眩身發寒熱者。此非外感。乃內毒熏蒸自內達外。雖有表症。是非表邪也。若發汗。則正氣已耗。邪氣益肆。且風劑燥熱。愈助熱邪。表虛於外。邪熾于內。鮮不斃矣。四曰忌分利。利小便者。治水瀉之良法也。以之治痢。則大乖矣。痢因邪熱膠滯津

液枯瀉而成。若用五苓等劑。分利其水。則津液愈枯而滯瀉更甚。遂至纏綿不已。則分利之爲害也。若清熱導滯。則痢自愈。而小便自清。又安用分利爲哉。蓋按此誠百試百效之良法。余於此一症素畏其險惡。用心調治。經今二十餘年。百試百驗。既而身自患之。試驗益精。然後能破諸家之迷障。而爲奇妙之方論。是用述其顛末。以拯人之疾苦。而悉登諸壽域也。

八痢危症 入門曰。一冷痢白積。二熱痢赤積。三冷熱不調積。下赤白。四疳痢黃白積。或見五色。五驚痢青積不臭。六休息痢。尿黑如魚腸。七膿痢腹脹肛痛便臭。八蟲疰痢下紫黑血如豬肝。總以小駐車丸。真人養臟湯治之。

白痢變症 直指曰。凡泄利無已。變作白膿。點滴而下。用溫脾藥不愈。法當溫腎。蓋腎主骨髓。白膿者骨髓之異名也。其症面

色微黑。骨力羸弱的。見腎虛。當爲用破故紙。當歸。木香。肉桂。乾姜之屬。

治痢用藥大法。入門曰。色黑。大黃。色紫。地榆。色紅。黃芩。色淡

生姜。色白。肉桂。色黃。山楂。痛甚。木香。山梔。鰲按。生姜。肉桂。二味

酌用之。未可遽定爲金針也。

痢疾吉凶辨。脉經曰。下痢有發熱而渴。脉弱者。自愈。下痢脉

數。有微熱。汗出。今日愈。內經曰。下痢如魚腦髓者。半生半死。

身熱脉大者。半生半死。下痢如糜腐色者。死。下純血者。死。仲

景曰。下痢手足厥冷。無脉者。灸之。灸之不溫。脉不還。反微喘者。

死。下痢脉絕。手足冷。晬時脉還。手足溫者。生。脉不還者。死。入

門曰。下痢詰語直視。及厥躁不得眠。汗不止。無脉者。死。得效

曰。下痢身涼能食。小便通。易愈。身熱多汗。渴甚。小便不利。手足



厥冷、灸不溫、兼微喘、不食者死。永類鈴方曰：痢不治、症脉大、身熱、鴨屎發渴、咳逆、五色、紅水、噤口、唇紅、手足冷、氣喘、皆是也。痢後煩渴、欲飲、爲心絕、小便絕、不通、爲胃絕。又曰：下痢、小便不通、或絕無者、此毒氣併歸一臟、胃乾者必死。省翁曰：小兒之痢、重傷胃氣、全不飲食、名曰噤口、肛門寬大、深黑可畏、腹肚疼痛、裡急後重、鮮血點滴、名曰刮腸、日夜頻併、飲食直過、名曰滑腸、皆爲惡候。又曰：小兒痢、穀道不閉、黃汁長流者、不治。

治痢方四十二

導氣湯

調氣益氣 大黃 黃連 木香 江枳壳  
煨榔 黃芩 當歸 白芍

異功散

又 人參 白朮 茯苓 甘草 陳皮

四七湯

又 茯苓 半夏 厚朴 蘇葉 姜

木香化滯湯

又 當歸 柴胡 木香 陳皮 草薢仁  
香附 甘草 紅花 半夏 胸滿加枳壳桔

梗 腹脹加厚朴枳寔 小腹痛甚如青皮枳

阿膠四物湯 和血補血 熱加山梔 氣痛加烏藥 怒倍柴胡

四物地榆湯 又 川芎 當歸 白芍 地榆

胃苓湯 又 蒼朮 厚朴 陳皮 甘草 白茯苓

香砂枳朮丸 又 木香 砂仁 枳壳 白朮

保和丸 又 山楂 神曲 半夏 陳皮 萊菔子

小駐車丸 赤白痢 黃連 扶苓 連喬 阿膠 一兩半 當歸 一

大承氣湯 氣滯 乾姜 五錢 醋糊 厚朴 枳寔 下四五十九

小承氣湯 又 生大黃 厚朴 枳寔

茹苓湯 祛暑 香茹 黃連 厚朴 扁豆 茯苓

勝溼湯 除溼 蒼朮 羌活 防風 甘草 黃柏

蘇子降氣湯 氣滯 蘇子 半夏 前胡 炙草 陳皮

木香調氣散

腹喘 木香 藿香 砂仁 薤仁 甘草

歸脾湯

補中 人參 黃芪 當歸 白朮 茯苓 神 藥 仁 炙草 桂圓 遠志 木香 姜 棗

六君子湯

又 人參 白朮 茯苓 甘草 廣橘皮 半夏

香茹飲

暑溼 香茹 厚朴 扁豆 甘草

五苓散

又 茯苓 猪苓 澤瀉 白朮 肉桂

藿香正氣散

又 藿香 紫蘇 白芷 茯苓 大腹皮 厚朴 白朮 半夏 陳皮 桔梗 甘草

理中湯

氣脫虛寒房慾 人參 白朮 炮姜 甘草

補中益氣湯

又 人參 黃芪 白朮 歸身 炙甘草 陳皮 升麻 柴胡

真人養臟湯

虛滑 人參 訶子 白朮 白芍 當歸 木香 肉桂 甘草 肉果 栗壳

建中湯

肺鬱 白芍 桂枝 甘草 飴糖 姜 棗

蒼朮地榆湯

脾溼 蒼朮 地榆

鬱金散

熱毒 鬱金 槐花 甘草 食前豉湯下

犀角丸

心熱犀角 硃砂各二錢 牛黃 人參各

倉廩湯

三錢 犀角 丸如麻子大 燈心 龍眼湯下二錢  
噤口風 痢 人參 枳殼 茯苓 炙甘草  
前胡 川芎 羌活 獨活 桂枝 柴胡

香連丸

陳米 加姜 黃連 吳萸炒去吳萸 木香 等分醋

香參丸

久痢 木香 四兩 苦參 酒炒六兩 甘草一

大黃湯

斤熬膏 丸每服三錢 白痢 姜湯下 赤痢 甘草湯

芍藥湯

下噤口痢 砂仁 蓮肉 湯下水 瀉猪苓 澤瀉 湯下

蒼木防風湯

此方必痢久方可用 早服不得 好酒二盞 浸半日煎

露風湯

一盞 血痢 去渣分二次 頓服 以利為度 此方用

暑痢疾方

又杏仁七粒 櫻根皮 掌大一塊 烏梅一

風痢 蒼木 防風 麻黃 生薑

又杏仁七粒 櫻根皮 掌大一塊 烏梅一

個 草果一個 石榴皮半個 青皮二個

卷十五 疾

甘草一寸 姜三片 煎好去渣露一宿 次早  
空心溫服

黃連補腸湯

寒痢 黃連四錢 赤苓 川芎各三錢 石  
榴皮 地榆各五錢 伏龍肝二錢 剉作末

每服八錢  
煎服自效

加味除溼湯

溼痢 半夏 厚朴 蒼朮各一錢二分 廣  
藿香 陳皮 赤苓各七分 木香 肉桂

甘草各五分 加  
姜三 棗二

芩連芍藥湯

熱痢 枳殼各一錢半 陳皮一錢 黃連 廣木香  
枳殼各一錢半 黃芩 黃連 廣木香

氣痢丸

氣痢 米湯下 訶子皮 陳皮 厚朴各五錢 蜜九

羚羊角丸

五錢 黃連二兩 羚羊角 黃柏各一兩

茜根丸

又 黃連 茜根 枳殼 犀角 丹皮 當歸 黑地榆  
黃連 枳殼 白芍 等分 醋糊丸

祕方養臟湯

五色痢 木香 烏梅 厚朴 杏仁 炙草 棗二  
枚 黑豆 三十粒

附載倪涵初治病三方

初起第一方

川連一錢二分 枳殼二錢 厚朴一錢 黃芩一錢 白芍一錢 青皮各一錢

當歸一錢 地榆一錢 甘草各五分 枳櫚五分 紅花酒炒三分

桃仁一錢 錢去皮尖研如粉 木香二錢 如單紅水

二碗煎一錢空後重身熱頭痛皆服此方不拘紅

白嚼口裡急後重身熱頭痛皆服此方不拘紅

者去地榆一錢 枳櫚一錢 紅四分 木香三分 滯瀉

甚者加酒炒大黃二錢 服一二劑仍去之若用

一劑滯瀉已去不必用第二劑 用大黃于壯盛

之人亦不可拘二錢之數 此方用之于痢起

三五日神效 用之于旬日亦效 惟十日半月外

則常加減矣 另詳于左 日亦效 惟十日半月外

川連酒炒六分 生用四分 黃芩酒炒六分 生

用四分 枳殼六分 芍藥酒炒六分 生用四分 山查一

錢 枳櫚六分 當歸五分 甘草三分 生用二

分 紅花三分 木香二分 甘草三分 生用二

如延至月餘脾胃弱而虛滑者法當補理其方

另具

于左

補理第二方

川連一錢 黃芩一錢 白芍一錢 白芍酒炒四分

廣皮六分 白朮土炒六分 當歸一錢 人參一錢 炙甘

其有不效者必初時服參朮補劑太早補寒邪氣在內久而正氣已虛邪氣益盛纏延不止欲補而瀉之則助邪欲清而疏之則愈滑遂至不可救藥雖有奇方無如之何則初起即投溫補殺之也

附載繆仲淳治痢諸法及諸藥要品

腹痛宜和 黃連四錢 白芍三錢 炙甘草一錢半 黃柏一錢 升麻七分 煎服

胃弱宜和 前方去黃柏 加人參三錢 橘紅二錢 蓮子四十粒

裏急宜解 前方加當歸二錢

後重宜除 前方加枳壳 檳榔各一錢半 木香汁七匙

口渴小便赤濇短少或不利宜利 前方加枳壳 檳榔 滑石各一錢半

身重宜除澤 茯苓 澤瀉

脉弦宜去風 秦艽 防風

風邪內閉宜汗 麻黃 白芷 葛根

身冷自汗宜溫附子 乾姜

赤多宜清山查 紅曲 烏梅

膿血稠粘宜重藥竭之大黃 芒硝

白多宜溫吳茱萸

驚漉為利宜溫木香 肉桂

惡心飲嘔即噤口痢宜清胃人參 扁豆 白芍 以綠色

久痢不止宜飲人參三錢 茯苓二錢 砂仁一錢五分

肉果煨一錢





沈氏尊生書卷十六

雜病源流犀燭 六淫門

濕病源流

沈金鰲撰

經曰諸濕腫滿皆屬脾土。此言土濕過甚則痞塞腫滿之病生。經故又曰諸痿強直積飲痞膈中滿吐下霍亂體重肘腫肉如泥按之不起皆屬于濕也。蓋太陰濕土乃脾胃之氣也。然則濕之爲病內外因固俱有之。其由內因者則本脾土所化之濕火盛化爲濕熱水盛化爲寒濕其爲症狀發熱惡寒身重自汗筋骨疼小便秘大便泄腰疼肘腫肉如泥脚如石墜其爲脉必緩浮緩濕在表沉緩濕在裏弦緩風濕相搏治法則以燥脾利溲爲主。宜五苓散加蒼朮半夏厚朴其由外因者則爲天雨露地泥水人飲食與汗衣濕衫其爲症狀頭面如果滯重骨節疼手足痠軟腿膝肘腫挾風痰則麻兼死

血則木動邪火則腫疼。或疝氣偏墜目黃。其爲脉亦必緩。治法則

以燥濕祛風爲主。

宜除濕羌活湯。虛者獨活寄生湯。

濕病之因。內外不同。如此。然

不論內外。其熏襲乎人。多有不覺。非若風寒暑熱之暴傷。人便覺也。至病之爲患于身者。其部分尤不可不辨。如濕在上。宜防風。風能燥濕。猶濕衣懸透風處則乾也。濕在中。宜蒼朮。猶地上有濕。灰多則滲乾也。濕在下。宜利小便。猶欲地乾。必開水溝也。濕在週身。宜烏藥羌活等。濕在兩臂。宜桑條威靈仙等。濕在兩股。宜牛膝防已。革薺等。分其部位而治之。而一身之患。有不盡去者乎。且同一濕也。而有中濕寒濕風濕濕痺濕熱溫濕酒濕及濕痰破傷濕之不齊焉。中濕者。其脉沉而微緩。腹脹倦怠。且濕喜歸脾。流于關節。四肢疼痛而煩。或一身重着。久則浮腫喘滿。昏不知人。挾風則眩暈嘔噦。挾寒則攣拳掣痛。內經曰。面色浮澤。是爲中濕。此尤顯

而可驗者也。

宜除濕湯加床木附湯。

寒濕者。雖夏月亦覺清涼。多中于血虛。

之人。發則關節不利。牽掣作痛。

宜虎骨官桂當歸。

若腰下冷重。或痛。便為

腎着。

宜腎着湯。

前輩云。凡濕以尿赤而渴為濕熱。以尿清不渴為寒濕。

是其驗也。風濕者。太陽經感風。與濕相搏。其骨節痠疼。不能轉側。

者。濕氣也。其掣而不能屈伸者。風也。其汗出身寒。脉沉微。短氣小。

便清而不利者。寒閉也。其惡風者。表虛也。其或微腫者。陽氣不行。

也。然雖惡風寒。宜微汗之。不得用麻黃葛根輩。使其大汗。若使大

汗。則風去濕留。反能為患。

宜除濕湯羌活湯。

濕熱者。肢節疼。肩背重。胸滿身

疼。流走脛脰作疼。

宜當歸拈痛湯。疼甚加倍服之。

或有氣如火從脚下起入腹。此

亦濕鬱成熱而作。

宜二妙丸。牛膝防已。

濕痰者。痰涎流注肌肉間。時作痠

疼。

宜祛濕痰湯。

濕者。兩脛逆冷。胸腹滿多汗。頭痛妄言。必其人嘗傷

于濕。因而中暑。暑濕相搏。則發濕溫。其脉陽濡而弱。陰小而急。治

在太陽不可發汗。汗出必不能言耳聾。不知痛所在。身青。面色變。

名曰重暈。如此死者。乃醫殺之。宜蒼朮酒。濕者亦能作痺症。口眼

喎斜。半身不遂。渾似中風。舌強語澁。當瀉濕毒。不可作風病治。而

汗之。宜蒼朮湯。破傷濕者。因破傷皮肉。而入水濕。口噤身強直者。是也。

宜用甘草湯調服。蝦牡蠣末二錢。仍取末敷瘡口。濕痺詳在風門。此風寒暑等。當各因所

兼而治之者也。至其傷濕之故。則有緣腎虛者。必身重腰冷。如坐

水中。不渴。小便利。宜胃着湯。有由體氣虛弱者。必身重。或便澹。宜清

因坐卧濕地。當風涼。致腰背足膝疼。偏枯拘攣者。宜獨活寄生湯。有因年

老衰憊。及女人腎虛血竭。致腰脚疼者。宜獨活寄生湯。有由下焦冷濕。致

身重腰冷。却能飲食者。宜乾姜散。有緣風濕相搏。夏月身重如山者。宜

濕所由既異。為治亦殊。辨之誠宜切矣。若夫濕流關節。一症身體

煩疼。為病尤劇。其夾風者。必加煩熱。流走拘急。其夾寒者。必加攣

痞浮腫。濕症宜黃芩、川芎、湯夾、風宜三者合則成痺矣。另詳痺症。此皆不可不知者也。總之濕之中人必原于虛。強壯者無慮也。治濕之法。惟當滲利小便。別無他法也。古書有加減二陳湯法。以之治濕。頗極神效。奉爲著蔡可也。

脈法 難經曰：濕溫之脈陽濡而弱，陰小而急。脈經曰：傷濕之脈細濡濕熱之脈緩大。脈訣曰：脈浮而緩，濕在表也；脈沉而細，濕在裏也。活人書曰：身痛脈沉爲中濕，脈浮爲風濕。入門曰：寸口陰脈緊者，霧露濁邪中于少陰之分，名曰痺陰；寸口陽脈緊，或帶澁者，霧露清邪中于上焦太陽之分，名曰潔陽。中霧露之氣也。陰陽脈俱緊者，上下二焦俱中邪也，必吐利後脈不緊，手足溫則愈。若陰陽脈俱緊，口中氣出，唇口乾燥，蹠臥足冷，涕出舌胎滑，勿妄治也。

暑濕異處

內經曰地之濕氣感人害人皮肉筋脉蓋濕傷形

形傷故痛

仲景曰濕傷關節則一身盡痛活人書曰風濕

相搏則骨節煩疼濕則關節不利故痛入門曰暑病多無身

痛蓋傷氣而不傷形故也

濕病類傷寒

活人書曰中濕風濕濕溫皆類傷寒中濕之由

風雨襲虛山澤蒸氣濕流關節一身盡痛風濕者其人先中濕  
又傷風也其中濕因又中暑名曰濕溫又曰傷寒有五其一  
爲中濕蓋風濕之氣中人爲病發熱與溫病相類故曰濕溫故  
難經曰濕溫之脉陽濡而弱陰小而急也

濕病原由症治

內經曰因于濕首如裹大筋纏短小筋弛長

註云受熱則縮而短得濕則引而長鈞元曰濕病本不自生

因火熱拂鬱水液不能宣通停滯而生水濕也仲景曰太陽

病關節疼痛而煩脉沉而細者此名中濕亦曰濕痺又曰病者  
一身盡疼發熱日晡所劇者此名風濕丹溪曰濕本土氣火  
熱能生濕土故夏熱則萬物潤秋涼則萬物燥也夫熱鬱生濕  
濕生痰故用二陳湯加酒芩羌活防風去風行濕蓋風能勝濕  
也又曰濕者土濁之氣頭爲諸陽之會其位高其氣清其體虛  
故聰明得以係焉濕氣熏蒸清氣不行沉重而不爽利似乎有  
物蒙冒之失而不治濕鬱爲熱熱留不去熱傷血不能養筋故  
大筋爲拘攣濕傷筋不能束骨故小筋爲痿弱又曰濕上甚而  
熱治以苦溫佐以甘辛平胃散主之濕在上宜微汗而解不欲  
汗多故不用麻黃乾葛宜微汗用防己黃芩湯濕在中下宜利  
小便此滲淡治濕也五苓散主之入門曰霧露濁邪中下焦  
名曰渾陰氣爲慄令人足脛逆冷小便妄出或腹痛下利宜理



中湯四逆湯。霧露清邪。中于上焦。名曰潔陽。令人發熱頭痛。項強頸掣。腰痛脛痠。宜九味羌活湯。藿香正氣散。正傳曰。濕家治法。大概宜發微汗。利小便。使上下分消。是其治也。醫鑑曰。太陽發汗太多。因致痙濕家大發汗。亦作痙。蓋汗太多則亡陽。不能養筋。故筋脉緊急而成痙。其症身熱足冷。項頸強急。時頭熱。面赤目赤。獨頭面搖。卒口噤。背反張者。是也。繆仲淳曰。傷于暑濕而成癰瘕。四肢不能動。宜用自然銅燒紅酒浸一夜。川烏頭泡五靈脂蒼朮酒浸各一兩。當歸二錢酒浸爲末。酒糊丸。每七丸酒下。覺四肢麻木卽止。只虛人有火。未宜輕用。其有中濕骨痛者。白朮一兩酒三盞煎一盞頓服。不飲酒以水代之。至如尋常濕氣作痛。則取白朮熬膏。白湯點服。葉大士曰。時令濕熱之氣。觸自口鼻。由募原以走中道。遂至清肅不行。不饑不

食。但濕乃化熱之漸。致機竅不爲靈動。與形質滯濁有別。此清熱開竅。必佐芳香。以逐穢爲法。宜用括蕒。皮桔梗。香豉。黑山梔。枳殼。鬱金。降香。末。又曰。本人體壯有濕。近長夏。陰雨潮濕。着於經絡。身痛自利。發熱。仲景云。濕家大忌發散。汗之則變痙厥。脉來小弱而緩。濕邪凝遏。陽氣病。名濕溫。濕中熱。氣橫冲。心包絡。以致神昏。四肢不煖。亦手厥陰見症。非與傷寒同法也。藥用犀角。連翹。心元參。石膏。菖蒲。野赤豆。皮。金銀花。煎送至寶丹。又曰。仲景云。小便不利者。爲無血也。小便利者。血症諦也。此症是暑濕氣蒸。三焦瀰漫。以至神昏。乃諸竅阻塞之兆。至小腹硬滿。大便不下。全是濕鬱氣結。彼旁醫猶以滋味呆鈍滯藥。與氣分結邪相反極矣。當用甘露飲法。猪苓。浙茯苓。寒水石。晚蚕沙。皂莢子。去皮。又曰。厥陰爲病。必錯雜不一。瘧痢之後。肝臟必虛。發症左。

脇有痞。腹中塊礪外堅。脇下每常汨汨有聲。惡虛就寢。常有寒熱。胃中不知飢。而又嘈雜吞酸。脉長而數。顯然厥陰陽明濕熱下滲。前陰陽縮而為濕熱症也。須用升發陽明胃氣。滲洩厥陰濕熱。其症自愈。蒼朮半夏茯苓橘紅當歸通草茴香柏子仁沙蒺藜川楝子即為丸方。

治濕病方二十三

五苓散

內因 肉桂 白朮 茯苓 猪苓 澤瀉

除濕羌活湯

外因 升麻 蒼朮 藁本 羌活 防風 柴胡

獨活寄生丹

外因 獨活 桑寄生 熟地 牛膝 杜仲 秦艽 白芍 細辛 人參 茯苓 當歸 防風 甘草 姜

加味木附湯

中濕 附子二錢 白朮 炒甘草 赤苓各錢半 姜七 葱二 水煎日再服。總見身痺三服後當如胃狀。勿怪蒼朮附並行皮中逐水氣故耳。

除濕湯

中濕 半夏 蒼朮 厚朴 各錢半 陳皮  
藿香 各七分半 甘草 五分 姜七 連二

當歸拈痛湯

濕熱 羌活 茯苓 人參 葛根 升麻  
當歸 蒼朮 知母 苦參 防風 澤瀉  
猪苓 白朮 茵陳草 炙甘草

祛濕痰湯

濕痰 茯苓 胆星 半夏 羌活 獨活  
當歸 黃芩 白朮 蒼朮 陳皮 薄荷  
甘草 香附 防己 威靈仙

腎着湯

腎虛 炮姜 茯苓 白朮 炙甘草 如小  
便赤大 便洩加蒼朮 陳皮 丁香

清燥湯

體氣虛 柴胡 黃芪 黃連 神曲 猪苓 五味  
子 生地 茯苓 人參 澤瀉 當歸 黃  
柏 升麻

乾姜散

下焦 乾姜 茯苓 白朮 甘草

勝濕湯

風濕 羌活 防風 蒼朮 甘草 黃連  
黃柏 猪苓 澤瀉

茯苓川芎湯

濕症 茯苓 桑皮 防風 蒼朮 麻黃  
赤芍 當歸 官桂 甘草 川芎 連二

防風湯

夾風 當歸 葛根 羌活 秦艽 桂枝 水  
甘草 當歸 杏仁 黃芩 赤苓 姜

煎入酒少許服

加減五積散

夾寒 茯苓 白芷 半夏 川芎 當歸  
陳皮 甘草 乾姜 桔梗 赤芍 蒼朮  
麻黃 厚朴

加味二陳湯

總治 陳皮 半夏 茯苓 甘草 加製蒼朮  
羌活 黃芩 因症加減法附後如或  
濕在上頭重嘔吐倍蒼朮  
濕在下足腫脰腫加倍升麻  
濕在內腹脹中痞加猪苓澤瀉  
濕在外身重浮腫倍羌活取汗  
肥人濕沉困怠惰是氣虛加人參白朮  
瘦人是濕熱倍黃芩加白朮白芍  
瘦白亦是氣虛照肥人治之

防己黃芪湯

藥在上 防己 黃芪各三錢 白朮二錢  
甘草錢半 姜三 連二  
又 蒼朮 厚朴 陳皮 甘草

平胃散

單蒼朮膏

又 蒼朮一味熬膏

二陳湯

熟生濕 茯苓 甘草 半夏 陳皮

藿香正氣散

清邪白朮

藿香陳皮

白芷桔梗

茯苓半夏

紫蘇甘草

厚朴

九味羌活湯

又白朮

羌活

白芷

細辛

生地

防風

蒼

四逆湯

濁邪

附子

乾姜

甘草

理中湯


又

人參

白朮

炙草

乾姜



痰飲源流

沈金鰲撰

痰飲濕病也。經曰：太陰在泉，濕淫所勝，民病飲積。又曰：歲土太過，時雨流行，其則飲發。又曰：土鬱之發，太陰之復，皆病飲發。內經論痰飲，皆因濕土，以故人自初生，以至臨死，皆有痰，皆生于脾，聚于胃，以人身非痰不能滋潤也。而其爲物則流動不測，故其爲害上至巔頂，下至湧泉，隨氣升降，週身內外皆到。五臟六腑俱有。試罕譬之，正如雲霧之在天壤，無根底，無歸宿，來去無端，聚散靡定。火動則生氣滯，則盛風鼓，則湧變怪百端，故痰爲諸病之源。怪病皆由痰成也。然天之雲霧，陽光一出，卽消散無踪。人身之痰，若元陽壯旺，亦陰濕不凝而變滅無迹。其理固相同也。茲卽痰之在一身者言之。在肺曰燥痰，其色白，咯出如米粒，多喘促，寒熱悲愁，脈必濡。宜利在心，曰熱痰，其色赤，結如膠而堅，多煩熱，心痛口乾唇燥。



喜笑脉必洪。宜牛黃丸在脾曰濕痰。其色黃滑而易出。多倦怠。軟弱。喜

卧。腹脹。食滯。脉必緩。宜白朮丸或挾虛。宜六君湯挾食。宜保和丸挾暑。宜消

驚。宜妙應丸各宜從脾分治。在肝曰風痰。其色青。吐出如沫。多泡。四肢

悶滿躁怒。二便閉。脉必弦。宜川芎丸加半在腎曰寒痰。其色有黑

點。吐出多稀。多小便急痛。足寒逆。心恐怖。脉必沉。宜胡椒理中丸此

痰之由于五臟者也。若由于外感而生者。一曰風痰。多癱瘓奇症。

頭風眩暈。暗風悶亂。或搐搦動。宜青州白朮子二曰寒痰。即冷痰也。骨

痺。四肢不舉。氣刺痛。無煩熱。凝結清冷。宜溫中化痰丸三曰濕痰。

身重而軟。倦怠困弱。宜山精丸四曰熱痰。即火痰也。多煩熱燥結。

頭面烘熱。或為眼爛喉閉。癰狂嗜雜。懊懣怔忡。其色亦黃。宜清氣化痰丸

清熱導痰湯五曰鬱痰。即火痰鬱于心肺間。久則凝滯。胸膈稠粘難咯。

多毛焦。咽乾口燥。咳嗽喘促。色白如枯骨。宜節齋化痰丸六曰氣痰。七情

轉結痰滯咽喉形如敗絮或如梅核咯不出。嚥不下。胸膈痞悶。宜清

火。七曰食痰。飲食不消。或挾瘀血。遂成窠囊。以至痞滿不通。宜黃

瓜。八曰酒痰。因飲酒不消。或酒後多飲茶水。但得酒次日即吐。

飲食不美。嘔吐酸水等症。宜瑞竹堂化痰丸九曰驚痰。因驚痰結成塊在

胸腹。發則跳動。痛不可忍。或成癰癩。在婦人多有此症。宜妙應丸以上

如風寒濕火等痰。雖與五臟所發者。或有相似。然內因與外因。畢

竟有別。此外又有相火咳血痰。宜滋陰清化丸胃熱鬱結鼻痰。宜清胃湯

鬱氣凝聚成塊痰。宜清氣化痰丸脾氣不運。痰宜參木健脾丸骨節空處結核

痰。宜滾痰丸風氣發湧所生白沫潮痰。宜生鐵落湯鬱火凝結。久成痰毒。宜先

服。舟車神佑丸。勞損所生如鷄蛋白痰。即俗所謂白血。宜金匱腎

次服導痰湯。痰心膽被驚。神不守舍。或痰迷心竅。妄言妄見。宜導痰星丸風痰柱痛。或

在腰脚。或在手臂。宜導痰花丸上膈風熱痰。寢。宜桔梗散頑痰壅遏。難

久而不化宜青綠丸胸胃中有痰頭痛不欲食宜若吐法痰血凝聚致成結

胸宜紫芝丸陰虛火動生痰不堪用燥劑宜五味天冬丸中脘氣滯痰涎煩悶

頭目不清宜三仙丸種種不一摠由氣血陰陽升降拂逆而成雖然同

焉是物稠粘者爲痰清稀者卽爲飲飲有八一日留飲水停心下

背冷如手掌大或短氣而渴四肢歷節痛脇痛引缺盆咳嗽轉甚

脉沉是也久則骨節蹉跌恐致癰痼也宜導痰湯二曰痰飲水走腸中

輾轉有聲是也宜米甘湯三曰癖飲水癖在兩脇下動搖有聲是也

宜十寶湯四曰溢飲水流四肢當汗不汗身體疼重是也宜小

花神佑丸五曰懸飲飲後水流脇下咳唾引痛是也宜十

嘔吐喘欬寒熱淚出惡寒腰背痛身臃脹是也宜倍尤丸七曰支飲咳

逆倚息短氣不得卧形如腫是也宜五八曰流飲飲水流行遍體

俱注無定在是也宜三花神佑丸此外又有飲食胃寒或飲茶過多致成

五飲及酒癖

宜姜桂丸

或患支飲時苦胃眩

宜澤瀉湯

飲癖嘔酸嘈雜脇痛

食減

宜蒼朮丸

冷飲過度遂令脾胃氣弱不能消化飲食入胃皆變成

冷水反吐不停

宜赤石脂散

種種不一總由飲食水漿乖時失度而成

雖然曰痰曰飲之外又有非痰非飲時吐白沫不甚稠粘者脾虛

不能攝液故涎沫自出也

宜六君子湯加生姜益智仁或以半夏乾姜等分爲末服之

又有時

吐酸水非關食滯者必由停飲所致也

宜蒼朮半苓陳湯

又有嘔清水者渴

欲飲水水入卽吐此名水逆也

宜五苓散

又有痰極腥臭或帶膿血者

必肺胃癰也

肺宜清金飲胃宜焚根湯

凡此皆痰飲之屬也要之治痰治飲不

外理脾理氣兩法蓋脾胃健運自無痰故曰治痰先理脾胃氣道

順津液流通亦無痰故曰治痰必理氣但昔人云脾喜溫燥惡寒

潤宜以二朮星夏爲要藥矣肺喜涼潤惡溫燥宜以二母二冬地

黃桔梗爲要藥矣旨哉斯言其誠有不可混治者乎然而土能生

金。金。不。能。助。土。脾。痰。斷。不。可。用。肺。藥。肺。痰。稍。助。脾。以。生。肺。痰。自。益。消。也。是。在。臨。症。時。消。息。之。可。耳。

脉法 仲景曰脉雙弦者寒飲也偏弦者飲也又曰肺飲不弦但苦喘短氣又曰脉沉而弦者此懸飲內痛又曰脈浮而細滑者傷飲 提綱曰痰脉弦滑 三因曰飲脉皆弦微沉滑 丹溪曰久得澁脉必費調理以痰膠固脉道阻塞也 醫鑑曰脉沉弦細謂大小不勻俱痰飲爲病也

痰涎飲不同 直指曰伏于包絡隨氣上浮客肺壅嗽而發動者痰也聚于脾元隨氣上溢口角流出而不禁者涎也惟飲生于胃腑爲嘔爲吐此則胃家之病又曰水與飲同出而異名人惟脾土有虧故所飲水漿不能傳化或停心下或聚脇間或注經絡或溢膀胱往往因此成疾又曰飲者因飲水不散而成病

痰者。因火。炎熏灼而成疾。故痰稠濁。飲清稀。

痰飲藥宜分治。繆仲淳曰。夫痰之生也。其出非一。藥亦不同。

由於陰虛火炎。上迫乎肺。肺氣熱。則煎熬津液。凝結爲痰。是謂陰虛痰火。痰在於肺。而本于腎。治宜降氣清熱。益陰滋水。法忌辛溫燥熱補氣等藥。由于脾胃寒濕生痰。或飲啖過度。好食油麵猪脂。以致脾氣不利。壅滯爲痰。甚至流于經絡。皮裡膜外。或結塊。或不思食。或徹夜不眠。或卒然眩仆。不知人事。或發癰瘤。或昔肥今瘦。或叫呼異常。或身重腹脹。不便行走。或泄瀉不止。或成癰癢。種種怪症。皆痰所爲。故昔人云。怪病多屬痰。暴病多屬火。有以夫。此病在脾胃。無關肺腎。治宜燥脾行氣。散結軟堅。法忌滯膩苦寒濕潤等藥。及諸般厚味。由于風寒之邪。鬱閉熱氣在肺。而成痰嗽。病亦在肺。治宜豁痰除肺熱。藥中加辛

熱辛溫如麻黃生薑乾姜之屬以散外寒則藥無格拒之患。法忌溫補酸收等藥。病因不齊藥亦宜異。利潤利燥及利發散各有攸當。非可混而施也。夫世每以痰飲混稱藥亦混投殊不知痰之與飲其由來正自有別。其狀亦殊。痰質稠粘飲惟清水。特其色有異。或青或黃或綠或黑。或如酸漿。或伏于腸胃。或上支胸脇。刺痛難忍。或流于經絡四肢則關節不利。支飲上攻爲心痛。爲中脘痛。甚則汗出。爲嘔吐酸水。苦水。黃水等種種各異。或發寒熱。不思飲食。及不得安眠。皆其候也。此症多因酒後過飲茶湯。則水漿與腸胃中飲食濕熱之氣凝而爲飲。或因情抱抑鬱。飲食停滯。不得以時消散。亦能成飲。總之必由脾胃有濕。或脾胃本虛。又感飲食之濕。則停而不消。此飲之大畧也。治宜燥濕利水行氣健脾爲主。乃爲得也。其藥大都以半夏茯苓白朮

人參爲君。佐以猪苓澤瀉以滲洩之。白豆蔻陳皮以開散之。蘇梗旋覆以通暢之。東垣五飲丸中有人參。其旨概可見矣。痰病似邪祟。東垣曰。血氣者。人之神也。神氣虛乏。邪因而入。理或有之。若夫血氣兩虛。痰客中焦。妨碍升降。不得運用。致十二官失職。視聽言動皆有虛妄。以邪治之。必死。先宜多飲姜盞湯探吐。或多灌竹瀝香油。次服消痰藥餌。

辨痰色 入門曰。寒痰清。濕痰白。火痰黑。熱痰黃。老痰膠。

痰飲原由症治 丹溪曰。凡有痰者。眼皮及眼下必有烟灰黑色。又曰。凡病百藥不效。關脉伏而大者。痰也。控涎丹下之。又曰。脾虛不能尅制腎水。多唾痰。唾而不咳者。宜八味丸。又曰。大病後多唾痰。此胃冷也。又曰。病人多唾白沫。乃胃口上停寒也。又曰。凡病久淹延。卒不死者。多因食積痰飲所致。所以然者。因胃



氣亦賴痰積所養。飲食雖少。胃氣卒不便虛故也。又曰。痰在膈上。必用吐法。瀉亦不能去。脉浮者宜吐。膠固稠濁者。必用吐。又曰。痰在經絡中。非吐不可。此中就有發散之意。不必在出痰也。又曰。凡用吐藥。升提其氣。便吐也。又曰。氣寔痰熱結者。難治。

入門曰。一切痰症。食少。肌色如故。一切水症。脇硬。心下怔忡。又曰。痰新而輕者。味淡色清白稀薄。久而重者。黃濁稠粘凝結。咯不出。漸成惡味。酸辛腥臊鹹苦。甚至帶血而出。但痰症初起。頭痛發熱。類外感表症。久則潮咳夜重。類內傷陰火。痰飲流注支節疼痛。又類風症。但痰症胸滿食減。肌色如故。脉滑不勻不定。爲異耳。又曰。俗云。十病九痰。誠哉斯言。又曰。痰厥者。皆因內虛受寒。痰氣阻塞。手足厥冷。麻痺暈倒。脉沉細也。回春曰。凡臂難遍身骨節痛。坐卧不寧。痰入骨也。又曰。眼黑而行步吟呻。舉

動艱難。入骨痰也。其症必遍身骨節痛。眼黑而土色。四肢痿痺。屈伸不便者。風濕痰也。眼黑氣短促者。驚風痰也。眼黑頰赤。或面黃者。熱痰也。咯之不出者。痰結也。脇下痛。作寒熱咳嗽氣結。亦痰結。局方曰。胸中有寒。則喜唾痰。資生經曰。痰涎病不一。惟癆瘵有痰。爲難治。最宜早灸膏肓四花穴。全嬰方曰。肺胃虛。則生粘痰。痰涎凝滯咽喉。如曳鋸聲。時或癰癢。或因吐瀉所致。脾虛肺亦虛。痰涎流溢。變成癰癢。尤爲難治。得效曰。有痰飲流注者。人忽胸背手脚腰膀隱痛。不可忍。連筋骨牽引釣痛。坐臥不甯。時時走易不定。不可使用風藥。及妄施針灸。亦不可疑爲風毒結聚。欲爲癰。亂用藥貼。此乃痰涎伏在心膈上下。變爲此疾。能令人頭痛難舉。神昏意倦。多睡食少。味痰唾稠粘。夜間喉中如鋸聲。多流睡涎。手足冷痺。氣脉不通。亦不得誤認。

爲癰痿。凡有此疾。只服控涎丹。其疾如失。丹溪曰。有痰核塊者。人身上中下有塊如腫毒。多在皮裡膜外。此因濕痰流注作核。不散。問其平日好食何物。用藥吐下之。方用消痰散核之劑。如二陳湯。加大黃連。蕎麥。胡桔梗。姜黃連。白芥子。水煎入竹瀝。多服白消。醫鑑曰。痰飲流注于胸背頭項腋膀腰腿手足聚結腫硬。或痛或不痛。按之無血潮。雖或有微紅。亦淡薄不熱。堅如石。破之無膿。或有薄血。或清水。或如紫汁。又有壞肉如敗絮。或如癰瘰。在皮肉間如鷄卵。可移動。軟活不硬。惟覺咽喉痰結。作寒作熱。回春曰。渾身有腫塊。或骨體串痛。都濕痰流注經絡也。

痰火導引 保生秘要曰。伸足坐定。以雙手相見。訣撐起。用力低頭。躬身而下。扳足尖三次。如熱。用力而起。咽津下降。齒開。躬

起二十四回守運後功。

運功 保生秘要曰取靜千响。用十六字提咽指腰存想念茲在茲。次運尾閭八九度入靜。自然痰火自降。

治痰飲方

利金丸

燥痰 甘草 桔梗 貝母 陳皮 枳壳 茯苓

半黃丸

熱痰 南星 半夏 黃芩 等分姜汁浸蒸餅研光姜湯下四五十九

白朮丸

濕痰 南星 半夏 白朮 湯浸蒸餅丸食後姜湯下

六君子湯

扶虛 人參 茯苓 白朮 炙草 半夏 陳皮

保和丸

扶食 山楂 神曲 半夏 橘紅 茯苓 麥芽 連翹 黃連 萊菔子 水泛丸

消暑丸

風熱暑 見生水每五十九 姜湯下入夏後不可缺也 甘草 姜汁糊丸忌

妙應丸

濕熱驚 大回時姜湯下七九至十九氣寔痰猛者星加 丸數或加條砂為衣痛甚加全蝎酒痰加雄黃

驚痰成塊加穿山甲鼈甲蓬朮元胡索 即控

濕

痰飲方

卷十六 十四

涎丹

防風丸

風痰 防風 川芎 甘草 天麻 蜜丸重一錢 砂為衣 荆芥湯化下一丸

川芎丸

又 川芎 薄荷 桔梗 甘草 防風 細辛 蜜丸每丸重三分 食後臥時茶清嚼一丸

胡椒理中丸

寒痰 胡椒 甘草 華撥 良姜 細辛 陳皮 乾姜 白朮 款冬花 蜜丸每服三十丸至五十丸

青州白圓子

寒痰 半夏七兩 南星三兩 白附子二兩 川烏五錢 右為細末 水浸春五夏三秋七冬十朝夕換水日數足取絹袋中濾過其渣再研濾以蒸為度 澄清去水晒乾又為末 糯米竹清和丸 菜豆大姜湯下三五十九

溫中化痰丸

又 青皮 陳皮 良姜 乾姜 等分 醋糊丸 米飲下五十九

溫胃化痰丸

又 半夏三兩 炮姜 陳皮 白朮各二兩 姜汁糊丸 姜湯下二三十丸

山精丸

濕痰 蒼朮二斤 黑桑椹一斗 取汁將蒼朮收浸九次晒乾入杞子 地骨皮末各一斤 蜜丸溫湯下百丸

三仙丸

又半夏 南星各一斤為末姜汁調作餅  
篩中將艾葉蓋發黃色造成餅收之此須三  
月造每麵四兩入香附末二兩姜汁糊丸姜湯  
下五十九

清氣化痰丸

熱痰 半夏二兩 陳皮 赤苓各一兩半  
黃芩 連喬 山梔 桔梗 甘草各一兩

薄荷 荆芥各五錢 姜汁糊丸姜湯下五十

清熱導痰湯

又瓜蒌仁 黃連 黃芩 南星 半夏  
陳皮 赤苓 桔梗 白朮 人參各七分  
枳實 甘草各五分 姜三 棗二 冲竹瀝

節齋化痰丸

各一兩 天冬 黃芩 橘紅 海粉 瓜蒌仁  
各五錢 芒硝 鹽水炒香附 桔梗 連喬  
大細嚼一丸開水下 蜜入姜汁少許丸芥子

清火豁痰丸

氣痰 製大黃二兩半 白朮 枳實 陳皮  
各二兩 山梔 半夏 酒黃連 酒黃芩

南星各兩半 貝母一兩二錢 連喬 花粉

錢 茯苓 神曲 白芥子各一兩 元明粉七

錢 青礞石以焰硝一兩同煨如金色 青黛  
甘草各五錢 沉香二錢 竹瀝為丸 茶  
清下五七十九

黃栝蓯丸

食痰 栝蓯仁 神曲 半夏 麴 查肉 等

瑞竹堂化痰丸

酒痰 瓜 蓯汁 九 姜湯 竹 瀝下 五十 九 皂角 各

四兩 全入 砂鍋 內水 煮以 南星 無白 點為 度去 皂角 不用 再入 青皮 陳皮 葛根 蘇子 神曲 麥芽 查肉 萊菔子 香附 杏仁 各一兩 姜汁 糊丸 食後 臨臥 茶酒 任下 五七十丸

滋陰清化丸

相火 痰 天冬 麥冬 生地 熟地 知母 貝母 茯苓 山藥 花粉 五味子 甘草 草 蜜丸 嚥化

清胃湯

胃痰 升麻 當歸 黃連 丹皮 生地

清氣化痰丸

鬱氣 痰 半夏 南星 白礬 皂角 乾姜 先將 白礬 等三 味用水 五碗 煎三 碗入 星夏 浸二日 再煮至 星夏 無白 點晒 乾又 用萊 菔子 橘紅 青皮 杏仁 葛根 山查 神曲 麥芽 香附 蒸餅 九每 六七 十九 茶湯 下如 素厚 味胸 滿痰 盛肉 多積 熱鬱 結者 無不 愈如 脾胃 虛弱 切忌

參朮健脾丸

脾不 運 人參 白朮 茯苓 陳皮 炙甘草 白芍 當歸 姜 惠

滾痰丸

結核 大黃 黃芩 青礞石 沉香 百藥煎 水九空心白湯下三錢 此藥但取痰積自腸中次第而下並不刮腸大瀉為痰家聖藥

生鐵落湯

潮痰 生鐵落先煮水入 茯苓 防風 各兩半 元參 秦艽 各一兩 煎好再煎 此方專取生鐵落重墜之性能降痰熱之鬱結於腸胃經絡

舟車神佑丸

痰 黑牽牛頭末 甘遂 芫花 大戟 大黃 青皮 水九椒子大空心服五九日三服 輕粉 多服反煩滿宜初服二九每服加一丸以快利為度

導痰湯

又 半夏 南星 赤苓 枳寔 橘紅 甘草 食後姜湯下三四錢 水煎亦可

金匱腎氣丸

白痢 熟地 山藥 山萸 丹皮 茯苓 澤瀉 附子 肉桂 牛膝 車前子

壽星丸

被驚 天南星一斤 先掘土坑一尺以炭火三十斤燒赤入酒五升參乾乃安南星在內盆覆定以灰塞之勿令走氣次日取出為末 砂二兩 琥珀一兩 共為末姜汁糊丸每三



十九至五十人參薑蒲湯下日三服

躑躅花丸

注痛躑躅花南星並生時搗作餅餽上蒸四五遍以稀葛囊盛之臨時取焙為末蒸餅九每服三九溫酒下腰脚骨痛空心服手

桔梗蘆散

上膈桔梗蘆生研末白湯調服一二錢探吐

青絲丸

頑痰石青一兩石綠五錢水飛為末麴糊丸棗豆大每服十丸溫水下吐去痰一二盃能不損人

礬吐法

痰癖白礬一兩水二升煮一升納蜜半合頻服須臾大吐不吐飲少熱湯引之

紫芝丸

痰血五靈脂飛半夏湯泡等分姜汁糊丸每飲下二十丸

五味天冬丸

陰虛天冬一斤浸洗去心淨肉十二兩五味于水浸三核取肉四兩並晒乾不見火搗丸每茶下二十九日三服

桂苓朮甘湯

痰飲桂枝白朮茯苓甘草

大青龍湯

溢飲麻黃桂枝甘草杏仁石膏

十惠湯

懸飲 芫花 甘遂 大戟 水半先煎大  
惠十枚取八分入藥末七分平旦溫服病不除  
再服五分

五苓散

支飲 茯苓 白朮 猪苓 澤瀉 肉桂

三花神佑丸

酒飲

蒼半苓陳湯

酸水 蒼朮 半夏 茯苓 陳皮

清金散

肺癰 刺蒺藜 苡仁 橘葉 黃芩 花粉  
牛蒡子 貝母 桑皮 桔梗

葵根湯

胃癰 葵根一兩 黃芪 白朮各三錢

倍朮丸

伏飲 肉桂 乾姜 白朮 蜜丸每三十九  
米飲下

八味丸

不咳 熟地 山萸 丹皮 茯苓 澤瀉  
附子 肉桂

姜桂丸

五飲 白朮一斤 炮乾姜 肉桂各八兩  
蜜丸每服二三十九

澤瀉湯

支飲 澤瀉五兩 白朮二兩 水二升煮一  
升分二服

濕

痰飲方

赤石脂散

吐水 赤石脂一斤 搗篩服方寸匕酒飲任下稍加至三七服盡一斤終身不吐痰水又不下痢補五臟令人肥健有人痰飲諸藥不效用此遂愈

蒼朮丸

飲神 蒼朮一斤去皮切片爲末 油麻五錢水二錢臙研汁 大壺五十枚煮去皮核 搗丸每空心湯下五十丸增至一二百丸忌桃李雀肉服三月而疾除若再常服不嘔不痛胸膈寬利初服時必覺微燥以山梔末湯解之久服自不覺燥

諸疸源流 黃用

沈金鰲撰

諸疸脾濕病也。疸有五：曰黃疸、曰穀疸、曰酒疸、曰女勞疸、曰黃汗。其名各別。仲景謂當以十八日爲期。治之十日以上瘥，反劇爲難治。其故何也？蓋疸病旣成，則由淺而深，當速治。曰十八日者，五日爲一候，三候爲一氣。若其病延至十五日，又加三日，則一氣有餘，雖未滿四候而愈，則竟愈。故曰爲期過此，則根漸深而難拔。曰治之十日以上瘥者，言至十日外必宜瘥。倘不瘥而反劇，必不若初治之可取效，而爲難治矣。此仲景言諸疸之期也。古人謂黃疸之爲病，如瘧起瘧，醫濕熱鬱蒸變色，大抵濕勝則所蒸之色若熏黃，黑晦熱勝則所蒸之色若橘黃，鮮亮最宜分別。而熏黃黑晦一症若兼一身盡疼，乃是濕病非疸。當從濕治。宜除濕羌活湯疸則身未有疼者，試卽五疸形症治法詳言之。如遍身面目悉黃，寒熱食

即饑黃疸也。經言目黃者曰黃疸。以目為宗脉所聚。諸經之熱上

熏于目。故目黃可稔知為黃疸也。宜茵陳五苓散連服以小便清為度若無汗則汗

之。宜桂枝湯腹滿小便濇出汗則割而下之。宜酌用腹滿欲吐但以

鷄翎探吐之。嘔則止之。宜小半夏湯如食已頭眩寒熱心中怫鬱不安

久則身黃。穀疸也。因饑飽所致。亦名胃疸。以胃氣蒸冲得之。經曰

已食如饑者胃疸是也。宜茵陳湯如身目黃腹如水狀心中懊懣不食

時欲吐足脛滿小便黃赤面黃而有赤斑酒疸也。因酒後胃熱醉

卧當風水濕得之。宜梔子大黃湯若但心滿不食尿赤則不用前

劑。宜當歸白朮湯或變成腹脹漸至面足腫及身急須培土。宜藿香扶脾飲如薄

暮發熱惡寒額黑微汗手足熱腹脹如水小腹滿急大便時澀女

勞疸也。寔非水濕因房事後醉飽而成。經所云溺黃赤安卧者黃

疸。正理論謂得之女勞者是也。宜加味四君子湯若兼小便不利解之。宜

石兼身目黃赤小便不利清理之宜腎着湯如不渴汗出同梔子水染  
衣黃汗也因脾熱汗出用水澡浴水入毛孔而成宜黃以上五疸  
之異所可分按者也然而五疸之中惟酒疸變症最多蓋以酒者  
大熱大毒滲入百脉不止發黃而已溢于皮膚為黑為腫流于清  
氣道中則脹或成鼻癰種種不同也黑疸詳在後其餘又有陰黃乃傷  
寒兼症四肢重白汗背寒身冷心下痞硬瀉利小便白脉緊細空  
虛此由寒涼過度變陽為陰或太陽太陰司天之歲寒濕太過亦  
變此症宜茵陳四逆湯又有虛黃口淡怔忡寒熱溲白耳鳴脚軟怠惰無  
力凡醫不得志人多生此症宜人參養榮湯又有風黃身不黃獨目黃其  
人肥風不外泄故也宜青龍散又有瘀血發黃身熱小便自利大便反  
黑脉孔而澁當用藥下盡黑物為度宜桃仁承氣湯又有天行疫癘以致  
發黃者俗謂之瘟黃殺人最急宜茵陳蒿湯五疸之外又有可

歷舉者如此。大約痘症渴者難治。不渴者易治。治之之法。上半身宜發汗。下半身宜利小便。切不可輕下。惟有食積。當用消導。宜茵陳湯餘則以利水除濕。清熱養胃為主。總治諸痘宜化痘湯茯苓澤瀉湯故丹溪以爲五痘不必細分。但以濕熱概之也。夫丹溪之言。雖若太簡。其寔五痘之因。不外飲食勞役有傷脾土。不能運化。脾土虛甚。濕熱內鬱。久而不泄。流入皮膚。微于周身。故色若塗金。溺若姜黃耳。則是不可不辨者。諸痘之症。而治之有要者。丹溪之言。極爲真切也。特治之之時。旣概以濕熱。復能察各症之由。加藥以療之。更爲對症無悞耳。至于治痘之藥。不宜多用寒涼。必君以滲洩佐以甘平。斯濕可除。熱易解。若太寒涼。重傷脾土。恐變爲腹脹。此防于未然者也。若旣成腹脹者。治法必須疏導濕熱于大小二便之中。總之新起之症。惟通用化疸滲濕二湯。及久病則宜補益。宜參朮健脾湯色痘久加黃芪補豆

子若疸病久而口淡咽乾發熱微寒或難見虛症赤白濁又當參

酌治之

宜當歸  
秦芫散

久而虛必溫補

宜人參養榮湯或四君  
子湯下金匱腎氣丸

若素虛弱

避滲泄而過滋補以至濕熱增甚又不在久病調補之例而亦有服對症藥不能效耳目皆黃食不消者是胃中有乾糞也宜飲熬猪胆汁量人氣稟或一杯或半杯日三次以燥糞下爲度卽愈夫諸黃之爲病其源流症治亦既詳言之矣若夫黑疸爲症尤重故特表而出之大約黑疸專由女勞亦兼由于酒惟此二者有以致之其他疸病雖有變症必不致黑試舉仲景之言以証之金匱曰額上黑微汗出手足中熱薄暮卽發膀胱急小便白利名曰女勞疸腹如水狀不治蓋言黃雖必由傷脾而致傷之原有因腎者額爲心部黑爲水色腎邪重則水勝火而黑見于額也手勞宮屬心足湧泉屬腎水火不相濟故熱又以暮交于酉酉主腎因原有虛熱



衛氣并之。卽發于手足而熱也。膀胱爲腎腑。臟虛則腑急。然雖急而非熱。流膀胱之比。故小便仍利也。迨至腹如水狀。則脾精不守。先後天俱絕矣。其可治乎。此女勞之所以成黑疸也。又曰黃家日晡所發熱。而反惡寒。此爲女勞得之。膀胱小腹滿。身盡黃。額上黑。足下熱。因作黑疸。其腹脹如水狀。大便必黑。時澹。此女勞之病。非水也。腹滿者難治。礬散主之。仲景爲立方。因詳辨女勞疸症。其初亦未遽卽黃。故如日晡發熱。反惡寒。小腹滿。身盡黃等症。皆與他疸病相類。惟額黑足熱。膀胱急。小便利。爲女勞所獨。以正愈虧而邪愈肆。故曰因作黑疸。蓋至是而腎邪遍于周身。不獨額上見黑。而周身漸黑。且腎邪遍于腸胃。不獨周身黑。而大便亦黑。腹脹如水狀者。水肆則土敗。時澹泄者。土敗則不堅。然曰似水。則非真水。故曰此女勞之病。非水也。至于腹滿。則土之敗已極。腎邪益不能

制而何可治乎。然則黑疸之爲病。固自有由。而黑疸之云。黑所以  
專屬女勞之傷腎者。言也。宜沈氏其又曰。酒疸下之久。久爲黑疸。  
目青面黑。心中如噉蒜齏狀。大便正黑。皮膚爪之不仁。其脉浮弱。  
雖黑微黃。故知之者。以酒疸始亦本黃。或因悞下。則陽明病邪從  
支別入少陰。故積漸而腎傷。腎傷故亦從腎色而變爲黑疸也。惟  
其然。肝腎同原。故肝亦病而目青。腎氣上乘而面黑。且腎邪乘土。  
故大便俱黑。土傷則痺。故皮膚不仁。腎邪盛而正氣虛。故脉浮弱。  
似此種種。竟同女勞之疸。何以辨其爲酒疸。不知腎元雖病。而其  
寔酒熱未除。故心中如噉蒜齏。皆酒積之爲味也。雖誤下傷腎而  
黑然。寔因酒而脉終浮。故黑色中猶帶微黃。不如女勞疸之純黑。  
也。然則酒疸之黑。雖亦由傷腎而要與女勞有別矣。宜沈氏余故  
曰。黑疸專由女勞而兼。由于酒曰專。曰兼。其亦可知矣。雖然。疸至

于黑。危險極矣。雖立治之之法。亦未必盡效。毋徒咎醫之不良也。  
脉法 脉訣曰。五疸是熱。脉必洪數。其或微澁。悉屬虛弱。直  
指曰。疸脉緩大者順。弦急而堅者逆。

諸疸原由症治 仲景曰。寸口脉浮而緩。浮則爲。緩則爲痺。  
痺非中風。四肢苦煩。脾色必黃。瘀熱以行。入門曰。經云。濕熱  
相交。民病痺。痺卽黃疸。陽而無陰也。又曰。諸發黃。皆小便不利。  
惟瘀血發黃。小便自利。蓋熱結下焦。則熱傷下焦。而小便不利。  
血結下焦。則熱但耗血。而不耗津液。故小便自利也。海藏曰。  
凡病當汗而不汗。當利小便而不利。皆生黃。蓋脾主肌肉。四肢  
寒濕與內熱相合。故也。正傳曰。五疸同是濕熱。終無寒熱之  
異。仲景曰。脉沉。渴欲飲水。小便不利者。必發黃。丹溪曰。凡  
時行感冒。及伏暑未解。宿食未消。皆能發黃。時行疫癘。亦能發

黃殺人最急。又曰黃疸因食積者。下其食積。其餘但利小便爲先。小便利。黃自退。千金方曰。傷寒病遇太陽太陰司天。若下之太過。往往變成陰黃。寒水太過。土氣不及。往往變成此疾。繆仲淳曰。凡黃有數種。傷酒黃。誤食鼠糞亦作黃。因勞發黃。多痰涕。目有赤脉。益憔悴。或面赤惡心者是也。用秦芩五錢。酒半升。浸絞取汁。空腹服。或利便止。就中飲酒人易治。屢用得效。又法。黃疸穀疸。用龍胆苦參丸。酒疸用茵陳蒿酒。猪項肉丸。甚至心下懊痛。足脛滿。小便黃。飲酒發赤黑黃疸者。由大醉當風入水所致。用黃芪散。女勞疸。因大熱大勞交接後入水所致。身目俱黃。發熱惡寒。小腹滿。急。小便難。用二石散。其氣短聲沉者。用月經灰酒。其體重不眠。眼赤如硃。心下塊起。若瘕者。十死一生之症。宜烙舌下。灸心俞關元二七壯。以婦人內衣燒灰酒服二

錢時行黃疸。用小麥湯走精。黃疸多睡。舌紫甚。面裂若爪甲。黑者多死。用豉五錢。牛脂一兩。煎過棉裹烙舌。去黑皮。一重濃煎豉湯飲之。急黃欲死。用雄雀糞湯化服之。立甦。癰黃如金。好眠吐涎。用白鮮皮湯。婦人黃疸。經水不調。因房事觸犯所致。用蠟礬丸。徐忠可曰。仲景言黃疸初時。由風兼挾寒濕。後則變熱。然其立方。雖有穀疸。茵陳蒿湯主之。女勞疸。消礬散主之。酒疸。梔子大黃湯主之。正黃疸。發汗桂枝加黃芪湯。穀氣疸。瘧瘵膏髮煎。兩解表裡。茵陳五苓散。有裡無表。大黃消石湯。真寒假熱。小半夏湯。無步裡而虛小之別。未嘗專于治風。專于治寒。專于治濕。惟清熱開鬱。建中湯。為胃。偽脾為腎。分因用藥。絕不兼補。豈非治黃疸法。以清熱開鬱為主。雖亦有汗下之說。而破氣與溫補。大汗及大下。皆非所宜乎。

黃胖宿病也。與黃疸暴病不同。蓋黃疸眼目皆黃。無腫狀。黃胖多

腫色黃中帶白眼目如故或洋洋少神雖病根都發于脾然黃疸則由脾經濕熱蒸鬱而成黃胖則濕熱未甚多蟲與食積所致必吐黃水毛髮皆直或好食生米茶葉土炭之類宜四寶丹有食積用消食之劑宜神曲紅曲山查穀芽麥芽蘆子針砂消食平肝其功最速不可缺又須帶健脾去濕熱之品治之無不愈者宜二木茯苓澤瀉力役人勞苦受傷亦成黃胖病俗名脫力黃好食易餓怠惰無力宜沈氏雙砂丸此又在蟲食黃病之外者

黃胖症治 得效曰食勞疳黃一名黃胖夫黃疸者暴病也故

仲景以十八日爲期食勞黃者久病也至有久而終不愈者

正傳曰綠礬丸褪金丸二方治黃胖病最捷 繆仲淳曰脾病

黃腫者用青礬四兩煨成赤珠子當歸四兩酒醉浸七日焙百

草霜三兩爲末以浸藥酒打糊丸梧子大每服五丸至七丸溫

水下。一月後黃去。立效。又脾勞黃病。針砂四兩醋淬七次乾漆燒存性二錢香附三錢平胃散五錢爲末蒸餅丸湯下。又好食茶葉面黃者。每日食榧子七枚以愈爲度。入門曰黃病愛吃茶葉者。用蒼朮白朮各三兩石膏白芍黃芩南星陳皮各一兩薄荷七錢砂糖煮神麴糊丸空心砂糖水吞下五七十九。又黃病愛吃生米者。用白朮一錢半蒼朮一錢三分白芍陳皮神麴麥芽山查茯苓石膏各一錢厚朴七分藿香五分甘草三分砂糖末一匙冲服。

治黃疸病方三十七

除濕羌活湯

濕似疸  
柴胡

蒼朮

藜蘆

羌活

防風

升麻

茯苓滲濕湯

諸疸  
蒼朮

茵陳

茯苓

猪苓

澤瀉

白朮

葛根

陳皮

黃連

山梔

秦艽

防己

食後服

茵陳五苓散

黃疸 茵陳 蒼朮 猪苓 赤苓 澤瀉 官桂 根燈心 車前 柴胡 木通 傷酒成疸加芍

桂枝黃芪湯

又 桂枝 白芍 甘草 生薑 大棗 黃芪 此治無汗須熱服須臾飲滾水以助之即汗如無汗再服

硝黃湯

又 大黃 硝石 黃柏 山梔

小半夏湯

又 半夏 生薑

茵陳湯

穀疸 茵陳 山梔 大黃

梔子大黃湯

酒疸 山梔 大黃 枳實 淡豉 葛根

加味柴胡酒

又 茵陳草 柴胡 黃芩 半夏 黃連 淡豉 葛根

當歸白朮湯

又 茵陳草 當歸 白朮 黃芩 甘草 半夏 枳實 前胡 茯苓 杏仁 藿香 木香

藿香扶脾飲

又 炙甘草 厚朴 半夏 藿香 木香 陳皮 麥芽 日二服

加四君子湯

女勞 人參 黃芪 茯苓 白朮 炙草 白芍 扁豆 姜 棗

濕

諸疸方



滑石散

又 滑石錢半 枯凡三分 爲末大麥湯下

腎着湯

又 升麻 防風 蒼朮 白朮 羌活 獨活 茯苓 猪苓 柴胡 葛根 甘草 澤瀉 人參 神曲 黃柏 又方四苓合四物

黃芪湯

黃汗 黃芪 赤芍 茵陳 石膏 麥冬 淡豉 甘草 生姜 竹葉 附子 甘草 乾姜

茵陳四逆湯

疫疸 茵陳四錢 大黃二錢 山梔一錢

濟生茵陳湯

茵陳瀉黃湯

又 茵陳草 葛根 姜黃連 山梔 白朮 赤苓 白芍 人參 木通 木香 姜棗 虛黃 人參 當歸 白芍 陳皮 黃芪 肉桂 白朮 炙草 熟地 茯苓 遠志

人參養榮湯

五味子 姜 棗

青龍散

風黃 防風 荆芥 首烏 生地 威靈仙 每末一錢食後開水下日三次

桃仁承氣湯

血黃 大黃 芒硝 厚朴 枳寔 桃仁

化疸湯

總治 茵陳 蒼朮 木通 山梔 茯苓 猪苓 澤瀉 苡仁

停滯加神曲麥芽山查

酒疸加葛根首蓿

女勞加當歸紅花  
瘀血加琥珀丹皮紅花紅曲蒲黃桃仁五靈脂  
延胡索

參朮健脾丸

久疸 人參 白朮 茯苓 當歸 陳皮  
白芍 炙草 大棗

當歸秦苳散

又 川芎 當歸 白芍 熟地 茯苓 秦  
苳 白朮 陳皮 半夏 炙草

四君子湯

又 人參 茯苓 白朮 炙草

金匱腎氣丸

又 熟地八兩 山萸 山藥各四兩 丹皮  
茯苓 澤瀉各三兩 附子 肉桂各一兩  
牛膝 車前子各兩半

硝礬散

黑疸 硝石 礬石燒 等分爲末大麥粥汁  
服方寸匕日三服病隨大小便去小便正黃大  
便正黑是其候也 硝能散虛鬱之熱爲體輕  
脫而寒不傷脾礬能却水而所到之處邪不復  
侵合而用之散鬱熱解腎毒其于氣血陰陽汗  
下補瀉等治法毫不相涉所以爲佳

沈氏黑疸方

又 茵陳蒿四兩搗取汁一合 瓜蒌根一斤  
搗取汁六合冲和頓服之必有黃水自小便中

下如不下再服 此金鰲自製方也簡便方單  
用爪薤根汁以洩熱毒為黑疸良方余復加茵  
陳汁以為濕邪引導較為真切故用之輒效也

龍胆苦參丸

穀疸勞疸 龍胆草一兩 苦參三兩 牛胆  
汁九梲子大食前以生大麥苗汁或麥飲下五

茵陳蒿酒

龍胆一兩 山梲子三七枚 更妙猪胆汁九亦可  
酒疸 茵陳蒿四根 以百沸白酒一盞沖汁飲之  
個連壳打爛 以百沸白酒一盞沖汁飲之

猪項肉丸

又猪項肉一兩 剉加泥 甘遂末一錢 和  
作丸 紙包煨香 食之酒下常利出酒布袋也

黃芪散

又黃芪二兩 木蘭一兩 每末方寸七酒  
下日三服

二石散

女勞 滑石 石膏 等分為末 每方寸七六  
麥汁服日三次 小便大利 愈腹滿者不治

月經灰酒

又女八月經和血衣燒灰酒服方寸七日二  
服三日痊

小麥湯

時行 小麥七升 汁葉五升切 石膏三兩  
水一斗半 煮取七升 細服盡劑愈

白鮮皮湯

癩黃 白鮮皮 茵陳蒿 等分水二鍾煎服  
日二服

蠟礬丸

婦人 白礬 黃蠟各五錢 陳皮三錢 化  
蠟作丸 每服五十丸 以調經湯下

治黃胖方四

四寶丹

黃胖 使君子肉二兩 枳殼 南星製各一兩  
兩 以此三味為主 如吃米加麥芽一斤 如  
吃茶葉加細茶一斤 如吃土加壅土一斤 如  
如吃炭加黑炭一斤 蜜丸空心砂糖水送下  
五十丸

綠礬丸

又 五倍子炒黑 神曲炒黃各八兩 針砂  
炒紅醋淬 綠礬姜汁炒白各四兩 姜汁煮  
棗肉丸溫酒下六七十九丸米飲下亦可終身忌  
食蕎麥遇犯之必再發不治

褪金丸

又 針砂醋淬 便香附各六兩 白木 蒼  
木各二兩半 陳皮 神曲 麥芽各兩半  
厚朴 甘草各一兩 麵糊丸米湯下五七十  
丸 忌魚腥濕麵生冷等物 有塊加醋三棱  
醋蓬木各一兩半

沈氏雙砂丸

腕力黃 針砂四兩炒紅醋淬至白色 砂仁  
一兩生研 香附便浸炒五錢 皂礬白饅頭  
包煨紅一兩 廣木香生研一兩 大麥粉三  
升 胡桃肉四兩生搗如泥同黑棗一斤煮爛  
去皮核為丸每服一錢牛脫力勞傷陳酒下一  
切黃病米飲下每病不過服四兩多至六兩無  
黃牛下

不愈  
此金齋自製方也用治脫力黃及一切黃神效

附載楊氏黃病方二

餘糧丸

總治脫力勞傷黃病及一切黃胖病仙方也

餘糧石鹽煨一斤 海金沙醋炒二兩

皂礬浮麥醋炒四兩 蓀簽草酒炒二兩

益母草蜜酒炒二兩 百草霜醋炒二兩

香附便浸酒炒四兩 茵陳酒炒二兩

烏龍尾醋酒炒二兩 廣皮焙二兩

砂仁姜汁炒二兩 白蔻仁烘二兩

松蘿茶焙脆二兩 木香照二兩

生地酒煮晒二兩 歸身炒二兩

白芷晒二兩 陳香櫟切片晒二兩

川貝母去心晒二兩 川椒酒二兩

延胡索酒炒二兩 漆渣炒烟盡二兩

大連六斤煮取肉作丸 豆大朝七暮八開水

送下以病愈為度

治同上

香附丸

香附童便浸炒一斤

針砂醋煨一兩

厚朴姜汁炒五兩

甘草炒一兩

陳皮去白炒三兩

白芍炒五兩

製蒼朮五兩  
茯苓乳蒸晒焙三兩  
山查肉炒黑五兩  
青皮炒六兩  
白朮土炒三兩  
白朮炒三兩  
醋糊丸每一錢米飲下  
弱若七八分白朮湯  
下忌一切生冷油膩腥  
發磁硬之物服過七  
日手心即涼內有紅暈  
起調理半月即愈矣  
虛弱人宜佐以四君子湯

